

# NKAAMBONZI?

 Kwasiya kabotu, beenzuma. Neoolwe cipati kuba kokuno sunumasiku alimwi, cintu comwe, kujoka ku Arkansas, alimwi, cintu cimbi, kuba mu masena aa zivuka. Ndi syoma kuti eyi miswaangano yangu mitaanzi ya zivuka eyo Nje kajanika kwa ciindi cilamfu. Elyo Nda kajisi kutambwa kuboola, a—a katalika a ndinywe. Elyo Nda kamvwa, kuzwa ni twa kazwaa kunjila, mwakali kuba aciindi cibotu loko okuno ku muswaangano oyu. Ndili lumbide kapati kuli ceeeo.

<sup>2</sup> Elyo, Mebo, nkeboola mu mugwagwa, ziindi zisyoonto zyainda, a mwana wangu, elyo twa kali kwaambaula kutandila myaka yakainda cindi Ne kasaanguna kuselemukila okuno ku Arkansas, wakali mutaanzi ku miswaangano yangu. Cindi ni Nda katalika kweenda, cakali mu Arkansas, mu musyobo wa miswaangano yavangeli, nekuba. Elyo kuzwa ciindi eco, kwakali ziindi zili ciloba koonse ku nyika, elyo eno kujoka mu Arkansas. Cili mbuli mali mabi, lyoonse ala cibweedezya. Ndi jisi, koonse Nkwé kabede, Nda yeeyela, mu United States, Nda kabuzya, “Sa kuli bantu okuno bazwa ku Arkansas?” Nda kajisi beenzuma lyoonse kuzwa ku Arkansas, kutandila loko koonse. Elyo Nda kaamba lyoonse kuti: imwi myoyo iini kapati, Nda syoma, eyo yakasola kuuma, yakali kundi lya mashaati a bbulu akaindi kuntelelo okuno mu Arkansas. Bantu babotu kapati! Nda tuyanda.

<sup>3</sup> Elyo Ndi—Ndili lumbide kuli Leza ku ciindi ceelede ca kujokela, sunumasiku, mu Arkansas, kuba kokuno a ndinywe. Elyo aboobo Ndi yeeya kuti tu jisi masiku otatwe acisyeede mu muswaangano wabaiminizi, a kuba a ciindi ceelede ca kunjila a kutondezya luyando lwangu kuli Jesu Kristo, a kuba a luswaanano a ndinywe no bantu a nkamu yesu mbotu ya bakwesu awa, abo, bunji bwabo Mbe tazi. Nda kalanga koonse a kubona umwi oyo Ngwe zyi, Mukwesu Jack Moore, Nda kacitika buyo ku, a Mucizi Moore, kacitika kuziba mpawo. Elyo tuli kkomene ncobeni kuba mukati.

<sup>4</sup> Lino, Ndi lizi, buzuba boonse weeled ku kataala, nywebo mulizi, kukatala ku mibili. Ta tujani kunji kwa...ku kataala a kullumbaizya Leza, ku bubotu Bwakwe, obo Mbwali mubotu. Elyo, pele, buzuba boonse, elyo mpawo ciindi ca masiku casika, mpawo mpaawa Nda njila. Elyo Nda kabaanga umwi wa bakutausi abo waka pegwa muzeezo wa kukanana ciindi cilamfu. Pele Nse yeeyi kuti tuyu cicita lino, nkaambo ka kusyanikizigwa oku mu muswaangano wabaiminizi. Mwa kamvwa basikukanana bapati, kwiina kuzumbaizya, mu buzuba boonse kwiinda mu muswaangano mupati. Elyo mpawo kwiima awa aa cibumbili, baa, kumbele lya boonse

aba basikukanana babotu, kuti, Ndili mvwa kuceya loko, akwiimikila awa.

<sup>5</sup> Umwi wa bakutausi Ngwe zwaa kusukana maanza anguwe, wandaambila kuti oku nkuswaangana kwanu kutaanzi kuba mu cikombelo eci, Mbwe konzya kwiita; Nse zyi cigaminina buyo eco, tempele eli na kufumbwa mbolibede. Elyo tuli—tuli lumbide ncobeni alubo ku ciindi ceelede caku njila mu mbungano mpya, cintucimwi eco cayakwa ku kulumbaizya a lulemeko lwa Leza. Mbocili cibotuloko!

<sup>6</sup> Elyo twa kalonzegwa kujoka, na kutali kulonzegwa joka . . . Amu joke buyo kuzwa i . . . ku ciindi cakulyookezya ca bana. Tu kkala mu Tucson, Arizona, eno. Elyo kwali kupya kapati okuya, pele tu jana kuti kula pisya okuno ku muunzi kwiinda mbo kwakabede okuya, nkaambo ka mudumo munji loko. Elyo kubaanga kutubkka ansi, kumane kuzibila ku luwo okuya.

<sup>7</sup> Twa kanjila ku ng'anda alimwi twa kajisi kuswaangana kutaanzi Munsono yainda, elyo twa kabona Mwami Jesu kazumanana mulimo Wakwe mupati wa luyandisyo a nguzu akati ka bantu. Elyo ngaonya Makanimabotu Nge kamu kambaukila myaka ili kkumi ayosanwe yakainda, omuno mu Arkansas, Ndi cisyoma cintu neiconya. Muta Ci cinci. Ngu Kristo.

<sup>8</sup> Munsono kwakali cintucimwi cakacitika ku mbungano. Cacitika buyo kulanga koonse a kabona mulombwana awo i—i maleele mpa kacitwa.

<sup>9</sup> Amubone, toonse tula botelwa kuli kankaizya ali—ali Mwami Jesu. Tula—tula yanda. Nda kali a mwanakazi ciindi cimwi waka ndaambila, waa kati kakali kampenda kalikke nka kakonzya kundi jana, Ndi “kankaizya maningi kujatikizya Jesu.” Nda kati, “Njo unka ncobeni ku Julu ikuti na nto ntumpenda tonse Ntwa kajisi, kulikankizya ali Jesu.” Elyo aboobo ta—ta kayeeya buyo kuti Wa kali Sibuleza. Waa kasola kwaamba kuti Wa kali muntu buyo a silwiyo lwa bulenge, na musinsimi, na cintucimwi mu bweende obo. Pele Nda kati Wa kali Leza. Elyo aboobo tu . . .

Elyo waa kati, “Nda konzya kutondezya kuli nduwe kuti Ta kali Leza.”

Elyo Nda kati, “Oh, Nse syomi kuti inga wacita ceeco.”

Waa kati, “Oh, Nda konzya kutondezya kuti Wa kali muntunsi biyo.”

<sup>10</sup> Nda kati, “Lino, Ndila zumina kuti Wa kali muntunsi, pele Wa kali muntunsi a Sibuleza bobilo.”

Waa kati, “Ta kakonzya kuba Sibuleza.”

Elyo Nda kati, “Oh, Wa kali Sibuleza, alimwi Walo ngu sibuleza.”

<sup>11</sup> Waa kati, “Oh, Ta kakonzya kuba.” Kati, “Ndiyo citondezya kwiinda ku Bbaibbele lyako lini.”

Nda kati, “Ncibotu.”

<sup>12</sup> Elyo waa kati, “Aa Musalali Johane cipati 11, mu lweendo kuselemukila ku cuumbwe ca Lazaro, Bbaibbele lyakati, ‘Jesu wakalila.’”

Nda kati, “Ee, ino eco cila cakucita nzi a ncico?”

<sup>13</sup> Waa kati, “Ee, ikuti na Ula—ikuti na Ula lila, citondezya kuti Tali Sibuleza.”

<sup>14</sup> Nda kati, “Mulindu, inkazyanyo yako ili kotede loko kwiinda kasamu ka kabambwa kuzwa ku cinzinzimwa ca nkuku yakafwa nzala.” Nda kati, “Yebo ulizi kabotu kwiinda obo.” Nda kati, “Wa kali—Wa kali muntunsi mbuli Mbwa kaunka ku cuumbwe ca Lazaro, kalila, mbo mbubo. Pele cindi Na kalulamika makuko Akwe maniini, a kuti, ‘Lazaro, ko buka,’ elyo muntu waka fwide kwa mazuba one wakaimikila ku matende akwe a kupona alubo, oyo wakali kwiindilila kuba muntu, wakali kukonzya kucita ceeco.” Ndi ci Mu syoma kuba boobo.

<sup>15</sup> Munsondo, kuciindi nkekanana, tu . . . Nda kaambilila bantu kunyona mu cikombelo a kusukana maanza umwi aumwi. Elyo kwakali i—i mweenzuma uyandwa, Nda kazwaa kwiiya ku tuyanda. Wa kaboola buyo mu mbungano, walo a mukaintu wakwe. Mukaintu wakwe ngu narsi wakazwidilila misunko. Elyo walo lwakwe Mukuwa winiwini. Walo muna Norwegia. Nzila eco mbo cakacitika lyoonse, Ta ndizi. Pele—pele, nekubaboobo, boonse mbantu babotu. Elyo oyu—oyu mukwesu waka jisi cintucimwi ciniini cilubide, musyobo wa moyo wakwe. Elyo mwaalumi Munakristo mubotu loko, a muntu mupampu, kumwi, ucita ncito ya buleya ku maakkautanti abamwi bambi. Elyo wa kanyona, alimwi, cindi na kacita, kulwanwa kwa moyo kwaka muuma, elyo wa kavundama aa cibuye, kafwide.

<sup>16</sup> Elyo mukaintu wakwe, mukuba narsi, waa kamukwempa cakufwambaana, a kukwempa kuduntaana kwakwe ku moyo wakwe, “Wa kaunka.” Elyo Nda kalanga busyu bwakwe, kusiya maningi, meso akwe aka josegwa. Kutali buyo kujala meso aakwe, pele meso aakwe akatontela kumbele. Elyo wa kali . . . Nda kaboola aa cibumbili, kasola kubamba nkamu ya bantu kuumuna, bantu banji bakali kusola kugwasya mucizi, mubwini, mu ciimo eco, a mulumi wakwe. Muntu umwi wakabikka cintu cimwi ku mutwe wakwe, na kundi lya mutwe wakwe, mubwini.

<sup>17</sup> Nda kajata moyo wakwe, ku . . . kuduntaana kwakwe ku kuboko kwakwe, nkabela kwanyina kuduntaana mbuli buyo ku cipulanga eco. Elyo mpawo Nda kafugama a kukomba, “Mwami Jesu, Nda Ku lomba, kojosezya Mukwesu wesu Way buumi bwakwe” Elyo moyo wakwe wakauma ziindi zyone na zyosanwe, a kutalika kuumma calyoонse alubo. Elyo wa kajoka alimwi, elyo wakali kusola kwaambaula. Ta kakonzya kwaambaula, wa

kali... I bulowa bulaima, nywebo mulizi, cindi moyo waleka. Elyo cakali ciindi cikubwene bulowa bwakwe kabutaninga kuzunguluka kabotu. Elyo Nda kamumvwa kaita zina lyangu, elyo mpawo Nda kajokela mu cibumbili.

<sup>18</sup> Mukwesu Way, Nda libuzya ikuti na inga waima buyo kutegwa bantu bakonzye kubona oyo muntu kuti wakali ni. Oyo ngo muntu wakaloka kafwide, Munsondo cifumo, wa kulwanwa kwa moyo. Mucizi Way, mukaintu wakwe, narsi oyo wakaimvwi alya kuti abweze kuduntaana kwakwe, ku kubona. Elyo kubona kuti wa... Aboobo Nda...

<sup>19</sup> Eco cimvwika ceenzu loko, ndiza, ku bantu abo bataka syoma zintu ezi. Pele Nda kabona Mwami Jesu kabusya bafu, ziindi zinji. Elyo eco tacili cipyä kuli ndiswe, aboobo inga tii twa... Ndi yeeya kuti ncibotu kuli kankaizya ali Jesu, pele Ndi yeeya kuti bweelede kuba bwini bumwi, obo mbo muli kankaizizya. Aboobo twa ka Mu bona, Nda ka Mu bona, mu myaka yamamanino iili kkumi ayosanwe, ya twaambo tunji tutakakilwi, kubusya bafu.

<sup>20</sup> Kapati umwi mu Mexico, oko Mukwesu Moore a Ndime nko twa kaimvvi mu Dolopo lya Mexico, i muvvanda muniini wakafwa cifumo cimwi aa naini okuloko, kajisi kamano, mu ofesi lya dokotela. Elyo mwanakazi muubauba, tii twa kakonzya kumuleta ku i... Ee, muntu waka vozya onse makkadi amipailo, alimwi twa kacita kwaabala mbuli mbo bakali kuboola. Tii kwakacili makkadi amipailo. Elyo oyu mucizi muniini muna Spanish, kutandila, Nda yeeyela, myaka iili makumi obile ayosanwe yakukomena, kajisi muvvanda, muniini wakafwide; alimwi yakali kuwa mvula, nkabela waa kali mujisi kunsi lya ngubo.

<sup>21</sup> Elyo busiku kabutanaba obo, kwakali muntu moofu oyo wakali, oh, antela mupati mbuli taata wangu mbwakali kuyooba, antela myaka ili makumi ali ciloba yakukomena, boofu, elyo wa katambula kukubona kwakwe cindi Ne kali kumu kombela. Elyo busiku obo, mukasimpe cibumbili ku kwazamuka mbuli atala awa, kwakali kulundikwa buyo, oh, atala eni, tukokola tobilo na totatwe, a mashawelo a ngowani, a zikobela zyakaindi nzoba kabikkide alya.

<sup>22</sup> Elyo oyu mwanakazi muniini wakali kusola kutanta alya. Elyo Billy Paul, mwana wangu, wakasika a kuti, "Bataata, Ndi kajisi bamaasha batandila ku myaanda yotatwe awo, alimwi boonse bali myaanda yotatwe taba konzyi kujatilila mwanakazi oyo muniini." Waa kajisi muvvanda uufwide kensi lya ngubo, ya bbulu niini.

Nda kati, "Ee," Nda kati ku Mukwesu Jack Moore, "koya kunselelo."

<sup>23</sup> Mukwesu Jack Moore a Ndime tujisi zintu zinji zikozyenye. Ta ndiyandi kwaamba kuti tu boneka kukozyanya, nkaambo

walo muntu mubotu boobu. Pele cintu comwe kujatikizya Mukwesu Moore, toonse tula pasauls masusu esu munzila yomwe. Tu jisi zintu zinji zikozyenye. Nda kayeeya, “Ta kandizi pe,” kacita kundilosezya aa ntambo a zintu, kuti anjile. Aboobo Nda kamutuma kunselelo kuyo kombela muvwanda muniini. Nda kayeeya, “Ee, taba kaciti, ta kazibi lwandaano.”

<sup>24</sup> Elyo aboobo Nda katalika kukanana alubo, cindi... Mukwesu Espinoza, bunji bwanu bakwesu muli muzyi, kuzwa ku West Coast, wakali kupandulula. Eci cakali kubusena kuya kwiinda ku musune kailila mu Dolopo lya Mexico. Elyo Nda kalanga koonse ku nkamu ya bantu elyo Nda kabona cilengaano ca muvwanda muniini muna Mexico uukkede, kamweta aali ndime. Aboobo Nda kati, “Leta mulindu muniini awa.” Aboobo kabikka maanza a cintu, ciniini cifwide, ciyumu, citontola. Matende akwe akatalika kubba, elyo wa katalika kukwiila, elyo—elyo ngooyo mbwa kabede, kali muumi.

<sup>25</sup> Elyo Nda katuma sikuzuza, Espinoza wakacita, kulangalanga a dokotela, ku kujana kaambo katutana konzya ku cilemba. I dokotela wakalemba bulembu bwa cikonke, kuti oyo muvwanda wakafwa cifumo eco mu ofesi lyakwe, kutandila naini okuloko, elyo yakali kutandila teeni theeti busiku obo. Elyo muvwanda ulapona sunu, kubotelwa nseba mbotu, ku lulemeko a bulemu bwa Leza.

<sup>26</sup> Aboobo kubona zintu zinji kucitika, ni twa taamba kujatikizya Mukwesu wesu Way okuya, pele bwini mbwini. Elyo Leza taciti zintu ezyo buyo ku... Walo ucyanda kuzibwa, a bantu kuziba kuti Ula bayanda. Elyo ku luzyalo lwa Leza, Mukwesu Way ulikkede akati kesu sunumasiku, kapona. Tuli lumbide kuli ceeco.

<sup>27</sup> Nda kayeeya, mukuba abusena bwa zivuka, kuboola kuba, nseyandi ncobeni kunyonganya ciindi cibotu. Billy wali kundaambila, masikati aya, kati, “Yebo waambaula kujatikizya Pentekoste iini ya ciyanza cakale,” kati, “yebo kolindila mane usike kutala kuya!” Kati, “Ba laimba mbuli kuti bajisi luzibo lwa myaka ili makumi osanwe.”

Nda kati, “Ndi yeeyela kuti bamwi babo bali jisi, inzya, kwa myaka ili makumi osanwe.”

<sup>28</sup> Elyo Nda botelwa buyo kunjila mu muswaangano mbuli oyo, Nda syoma umwi aumwi wesu ulacita, awo mpo tu njila buyo moonya muli nguwo.

<sup>29</sup> Mbuli Mbwe kali kwaamba kaano kaniini kajatikizya kuzela nswi. Kutala lya kunyiika ya New Hampshire, Nda kali kuzela tumpende. Elyo kulaale atala lya mutwe wa mulundu, Nda kajisi tente liniini kali kkede alya, oh, ayo ma A-tenti maniini, tente liniini loko kuzwa ku mfulumende. Elyo Nda kajene busena oko kwakali tumpende tunji, kali kunsi mu ziteo. Elyo kwakali—elyo kwakali munyama moosi alya wamu masamu malamfu,

alimwi coonse ciindi Nda kasola kutetya kuuluka kwangu, baa, nikwa kacegwa mu masamu malamfu. Aboobo cifumo eco, Nda kabuka, kainka kutala kuya, cakufwambaana, elyo Nda kayeeya, Njo agonka ayo masamu malamfu. Nda kali buyo... . Ikuti na Nda kajaya nswi, mpawo Nda kali kwiilya, kunze ly a boobo Ne kayaangulula. Aboobo Nda kajisi mvwiki yoonse, koonse Nkwe kali kukonzya kumamela, elyo Nda kali kutala okuya endikke.

<sup>30</sup> Elyo kuciindi Ne kaunka cifumo eco, mu lweendo lwangu kujokela, masekeses mukulukulu mweenze a twana tobilo tuniini twa kanjila mu tente lyangu. Elyo waambaula kukwalaula zintu, baka zikwalaula ncobeni. Elyo baka zapaula zintuzyonse. Elyo Nda—Nda kayeeya... . Cindi ni Nda kajoka, Nda kamvwa coongo, elyo Nda kalanga koonse ku ziteo zimwi ziniini nze Nda kali kuzunguluka. Elyo masekesi mucembele a toonse bakali kuba aciindi, kukwalaula mu zintuzyonse.

<sup>31</sup> Elyo waa kandi bona, nkabela waa kazuza kuzwa akukwelelezya twana twakwe. Kamwi ka twana kakasika, nkabela kamwi teeka kasika pe. Kantu kaniini loko, kakayutuka, wakali mujulu *loko*. Wa kali kkede mbuli *obu*. Elyo Nda kayeeya, “Ee, ino aka kantu kaniini kayandisya nzi kapati?”

<sup>32</sup> Elyo Nda kalanga koonse a kulanga. Nda kati kuli nguwe, “Kozwa awo! Kozwa awo!” Elyo ka kakkala buyo awo. Nda kayeeya... . Elyo Nda kalangilila mutumbu mucembele, nkaambo, nywebo mulizi, ku sobana a twana twakwe, waa kalino kukwamba, nywebo mulizi. Aboobo Nda—Nda—Nda kalangilila; mpaawo kwakali cisamu munsi loko, nywebo mulizi. Nda kajisi pisto yakaindi yaka jisi kale konse okuya mu tente, antela yakali tyokede mpawo. Elyo, nekuba, Nse kayanda kudubula nyina mucembele akusiya bamucaala bobile mu zisaka. Aboobo Nda kazumanana kulangilila eli samu, kuzunguluka kubona eco cakapa kantu kaniini kubikila maanu maningi.

<sup>33</sup> Elyo, nywebo mulizi, Nda—Nda—Nda botelwa mapanikkeki. Swebo, toonse tuli bana Musanza, embo na? Mapanikkeke mapati nge ngawo ngeba yanda ansi awa, nywebo mulizi. Aboobo, elyo Nda ayanda ncobeni, elyo Ndi—elyo Ndi—Ndi lizi... . Kwiina kunji kwa Methodisti kujatikizya ndime; Ndila botelwa neconzyo kwaatila molasesi. Ndila bbizya neconzyo, kuutila ali ngawo onse. Aboobo Nse yandi buyo kusansaila kuniini mbuli nko njila mu masena aya awa, cintu ciniini. Ndila botelwa awo mpoutila ncobeni atala, nywebo mulizi, akwaabamba kusangana kabotu akulema.

<sup>34</sup> Nda kajisi cisela ca galoni caka zwide—zwide sogamu mubotu wakaindi. Oyu masekeses muniini wakagusya civunisyo, alimwi wa kali kubotelwa ncobeni kuli molasesi wangui.

Kazumanana kumulangilila kunze lya kkona. Wa kali kunga wanyamuna kuulu kwakwe kuniini akulyata mu bbakete eli, nywebo mulizi. Elyo taakazyi mbo kutekwa molasesi, aboobo wa kasimpe buyo kuulu kwakwe muli molasesi wangu, elyo mpawo kuuvundaula akuumyankuta niwa kali kuselemuka.

<sup>35</sup> Nda mwaambila, cindi Ne kalangisisya a kuswiilila kwakwe kumalekelo, wa ka ndilanga. Ta kakonzya kundi bona, wa kali molasesi kuzwa aatala lya mutwe wakwe, lweendo loonse kuyaansi. Da lyakwe liniini kali zwide buyo aa molasesi. Elyo meso aakwe, takali kukonzya kujula meso aakwe akwalo ku ndilanga, nywebo mulizi, kusola.

<sup>36</sup> Nda kayeeya, "Mbo mbubo. Takucikwe luzulo kuli baabo balya." Kubikka mu mizeeo ya muswaangano mubotu wakaindi wa Pentekoste, cindi twa njizyaa maboko esu mu cijaa ca buci, kutandila kuyaansi obo, nywebo mulizi, kwa Buci bwa Pentekoste.

<sup>37</sup> Nywebo mulizi, cintu ceenzu kujatikizya ncico, naka mana kukkanuty da lyakwe, elyo bbakete lyangu lya kaungulwa, wa kainka kuli nyina a munyina muniini, elyo nyina waka mumyankuta.

<sup>38</sup> Aboobo, nywebo mulizi, Nda syoma tula njila kunji loko aali ndiswe awa, kuti, cindi twaunka ku muunzi, abo batasika kuzo myankuta antomwe andiswe, kuniini kwa luzibo lwesu, muka baambile makani a zintu zipati Mwami nzyaka cita kunselelo awa mu Hot Springs. I Mwami amu longezye.

<sup>39</sup> Elyo lino, Nda syoma, baka ndaambila kuti tiiba kacinjila mu ciindi, na cintucimwi cimbi, ku kwaambilizya kuvozya makkadi aa mipailo, kukombela balwazi; myeelwe imwi aa makkadi, mbo tu baita a ku bakombela. Elyo lino mbuli boobo, aboobo caka ndipa busiku bomwe kubaanga nku zibilana. Elyo aboobo juunza masiku Ndi yeeya kuti bayo vozya makkaadi abo aa mipailo, ciindicimwi isikati. Sa eco? Inzya, yebo waka... . Sikisi okuloko? Sikisi okuloko juunza mangolezya.

<sup>40</sup> Lino Nda yeeya, sunumasiku, inga twa bweza buyo cibeeala ciniini ca Lugwalo awa a ku Lu bala, a kubona ikuti na twa konzya kujana eco Mwami ncakali kuyo twaambila. Elyo lino katutana buyo kujula Bbuku, atu kanane kuli Mukamwini wa Bbuku, mbuli mbo tukotamika mitwe yesu.

<sup>41</sup> Katutana kupaila, a mitwe yanu kiikoteme; a mapakasyo oonse lino, a kusobana kwa misaalo kwa buzuba, a gano liniini lya kudana ndyo tujisi, atu citonte buyo ambali eno, nkaambo tuli mukuswenena ku Mwaami. Sa kuli nkumbizyo zili zyoonse zisalesale, yanda kwiibalukwa, walombwa buyo utambike janza lyako, a kwaamba, "Mwami!" Nkoonya kunsi kwa moyo wako, jatilila buyo nkumbizyo yako.

<sup>42</sup> Taata wesu Wakujulu, twa langanya eci kuba coolwe cili boobo, Leza Singuzuoyonse, ku boola mu mbunga ya Mwami,

ku luswaanano antoomwe, kupa bumboni, kwaamba zintu zipati ezyo Nzo kacita, a masena ayo nge twa kabede. Elyo ci ndiyeezya buyo Incito 4, mu Bbaibbele, cindi niba kajokela alimwi bakali kukanana eco Mwami nca kacita. Elyo boonse baka komba, a busena bwa kazunganisigwa, oko nko baka bungene antoomwe.

<sup>43</sup> Leza, ta tulangili loko, sunumasiku, kubona buyake kuzungaanisigwa; pele tu yanda Nduwe kutu zungaanya, Mwami. Zungaanya kumvwisya kwesu. Zungaanya buntu bwesu, kulimvwa kwesu, myoyo yesu ya kumvwisya, kutegwia twazwa awa sunumasiku, bakanzide kwinda mbo twa kasola Ku kubelekela, kuti tu konzye kumvwa Busyu bwa Pentekoste impya mbotu, ya Muuya Uusalala kautila aali ndiswe, bupya a bupya mbuli kunselelo mu zisaka ezi a zilundu mu Arkansas, myaka iili makumi osanwe yakainda, cindi basikale besu niba kainda omuno a mbizi a zikocikala, kaba kambaula aya Makanimabotu. Oyandwa Mwami, akube kuti swebo, tube basikuyumuna Kaambo aka kapati keelela Nko katuma kwiinda awa, akube kuti tu tafwi bweeme ku cintu eci cipati; pele akube kuti tweende mu ndyato zya matende abo bakaunka kumbele lyesu, Mwami, kaba bwezede cikwankwani ca Mwami Jesu.

<sup>44</sup> Akube kuti bamwi, abo batana kutambula bubambe obu bupati bwa lufutuko olo Leza ndwa kabamba kuli ndiswe mu Lugwalo, lwa kaamba kumbele mu nzila yoonse kuselemukila mu Cizuminano Cakale, elyo sunu tuli mukubotelwa, akube kuti kuge kuzungaana kupati akati kesu, Mwami, a kubukulusya lusyomo a—a kubukulusya kwa kusoleka.

<sup>45</sup> Nda Ku lumba ku muswaangano oyu wabaiminizi, ku nkamu eyi ya bantu abo baci jatilide, Mwami. Mu oora eli ly a kubetekwa eelyo liboola aa nyika, ku kusola abo balibanda kuba Banakristo, akube kuti tu kajanwe, ku mamanino, kweelela kunjila mu lutangalo lwa Mwami, olo lwa bambilwa Bakanununwa, kuzwa ku malengelo aa inyika. Longezya Ijwi Lyako.

<sup>46</sup> Mwami, yeeya maanza oonse ayo atambikwa. Yebo ulizi bukanze, Yebo ulizi kaambo, Yebo ulizi nkumbizyo kunze ly a janza eelyo. Nda komba, Leza, kuti Uyo cipa kuli umwi aumwi. Akube kuti muntu aumwi oyo...na mwanakazi, mulombe na musimbi, oyo wa tambika janza, oyo wali kuyanda lufutuko lunji, na kweenda munsi loko, naku Ku ziba mbuli Mufutuli wabo, akube kuti bata kasiyi busena obu mane nkumbizyo eyo yaingulwa.

<sup>47</sup> Kuli baabo bacisidwe a babulide, twa komba, Leza, kuyooba mayuwe ali boobu aa kuponesegwa kulandukila busena obu, kuti kutabi muntu ukompeme uboola a busena obo uya kuzwa munzila nja boolela. Nywebo nomu konzya kubusya muntu kuzwa ku bafu, a kumutuula okuno kumbele lyesu, citondezya kuti Nduwe Leza nguwenya wakaimikila alya kwinda ku cuumbwe ca Lazaro, waka mwiita kuzwa akati ka bafu.

Taata, balekele bazibe kuti Nduwe mbobuca nguwenya, sunu, amuya myaaka. Mpaawa umwi uliimvwi akati kesu sunumasiku, mazuba buyo masyoonto ainda, kaitwa kujoka kuzwa ku cisi kwiindilila cimvule cakuziba muntu mu buumi obu. Obo mbotu Ku lumba kuli ceeei!

<sup>48</sup> Kotulongezya antomwe lino mbuli mbo tu langalanga Ijwi Lyako, nkambo ncobeni Ijwi Lyako Mbwini. Yebo a Ijwi Lyako muli bomwe. Taba konzyi kwandaanisigwa. Aboobo twa lomba zilongezyo Zyako ali ndiswe, Taata, mbuli mbo tu Ku lindila ku kanana kuli ndiswe sunu masiku, kwiinda muli Jesu Kristo Mwami wesu. Ameni.

Lino, ikuti na mula yanda, Ndi yanda kujula ku Magwalo, abumwi bumbi.

<sup>49</sup> Nda kabaanga ndalala aa bulo a kwiinka kuyona; cintu citaanzi mulizi, Billy wa kaboola a kwaamba, “A tweende.”

Kati, “Yebo upandulula kuti nciindi ca mbungano?” Nda cita kusomona cikama ciniini ca Magwalo Nce kabelesya kale, ku—ku kanana sunumasiku.

<sup>50</sup> Elyo Nda kayeeya kuti ndiza inga cavozegwa makkaadi a kukombela balwazi, azimwi zimbi. Nda kabona kuzwa ciindi ni Nda njila muno, bantu bobile kabalede aa tulo, antela kuboola kuzo kombelwa sunu masiku.

<sup>51</sup> Lino, elyo—elyo Billy wajokela, kati, “Nse njila buyo mu ciindi, taata.” Kaambaula kujatikizya ncico. Kati, “Tuyo—tuyo cisola juunza masiku.”

<sup>52</sup> Nda kati, “Ncibotu, jana bakwesu, ci jane, vozya makkaadi.”

<sup>53</sup> Aboobo lino Ndi yanda kuti muvunune a ndime, ku i—i Bbuku lyu Bami Babili, a cipati 1. Elyo mpawo akwalo Ndi yanda kuti muvunune muli Jeremiya, cipati 8 a kampango ka 22. Atu bale cibeeda buyo ca Lugwalo olu.

*Mpawo Moabu yaka papila Israyeli kuzwa ku lufu lwa Ahabu.*

*Elyo Ahaziya wakawa kwinda mu i mpalangwizyo yamu ng'anda yakwe yaatala yakali mu Samariya, nkabela wakaciswa: elyo wa katuma batumwa, a ku baambila kuti, Kamuya, mukabuzye Baala-zebubi kaleza ka Ekironi naa Njo pona kuzwa ku bulwazi obu.*

*Pele angelo wa MWAMI wakati kuli Eliya muna Tisibe, Kobuka, alimwi koya kutala alimwi ukaswaane batumwa ba mwaami waku Samariya, a kwaamba kuli mbabo kuti, Sa nkaambo kakuti taakwe Leza mu Israyeli, kuti yebo uunka kuyo buzya Baala-zebubi kaleza ka Ekironi?*

*Lino nkikaako mbuboobu mbwaamba MWAMI Leza, Toka seluki i kuzwa aa bulo awo mpo ta ntide, pele uyo fwa ncobeni. Elyo Eliya wakazwa.*

<sup>54</sup> Elyo mpawo mu Bbuku lya Jeremiya, cipati 8 a kampango ka 22.

*Sa takukwe bbona mu Giliadi; sa takukwe musilisi okuya? nkaambonzi mpawo ngu... zilonda zya mwana musimbi wa bantu bangu tazina kuponesegwa?*

<sup>55</sup> Ndi yanda kukanana, ikuti na inga twa ciita, aa ciijo: *Nkaambonzi?* Walo ii—walo mubuzyo, alimwi Leza ubuzya mubuzyo oyu.

<sup>56</sup> Elyo Leza Mbutamani. Tu lizi kuti Mbwa bede. Walo uli buteeli. Ta kajisi matalikilo, na Ta konzyi kuba a magolelo. Butamani kwiina nobwa katalika, kwiina nobwa kagola, nkaambo Mbutamani.

<sup>57</sup> Elyo Leza takonzyi kucinca mizeezo Yakwe nanka nzila Yakwe. Ako nke kaambo swebo, mbuli bantu bata kazumini tunsiyansiya, ikuti na ciliimpene ku Ijwi, nkaambo tula syoma kuti Leza a Ijwi Lyakwe ncimwi. Tula syoma kuti Bbaibbele lilaamba mu Musalali Johane, cipati 1, kuti, “Ku matalikilo kwakali Ijwi, alimwi Ijwi lyakali antoomwe a Leza, alimwi Ijwi wakali Leza. Elyo Ijwi lyakaba mibili wabuntu a kukkala akati kesu.” Nkikaako cindi Leza aamba cintu cili coonse, Ta konzyi, juunza na kufumbwa ciindi cimbi, kusola ku cijosya; cindi Leza nasola kwiitwa aa cilao, ku kubamba muzeezo. Elyo muzeezo Wakwe omwe Mbutamani. Ta ukonzyi kucincwa.

<sup>58</sup> Elyo Leza wakaitwa kupanga muzeezo wa mukowa wabantu, mu muunda wa Edeni, cindi cibi citaanzi nicaka citwa. Sa inga Wa sola kukonzya kunununa mwana Wakwe waka sweeka kujokela mu luswaanano a Nguwe alubo? Elyo Wa kabamba bubambe bomwe. Ta cina cinca, kwiinda ku nzila ya bulowa. Elyo kutobela Magwalo, kwiina naya kasola kusandulwa na kucinca, alimwi ta kukonzyi, nkaambo muzeezo wa Leza, kwinda ku Bulowa. Nekubakuti, twa kasola kucisandula. Twa soleka ku ciyiisya. Twa sola ku cibamba kabungwe. Twa soleka kucita zintuzyonse ziliko mu mulao wa muntu, kusola kucinca Ceeco, mbuli Adamu mbwa kacita kwiinda ku matu a mukuyu a zimwi zimbi. Pele nekubaboo kucili lyoonse, Bulowa mbo busena bulikke bwa luswaanano.

<sup>59</sup> Nkikaako, antoomwe sunumasiku, tula konzya kwiima, kutali kabungwe komwe, ndiza bunji bwesu antoomwe. Pele ta tukonzyi kwiima awa kwiiminina kabungwe komwe, tweedele kwiima awa mu luswaanano olu kunsi lya Bulowa bwa Jesu Kristo. Toonse inga twaba babunyina, bacizi. Leza ulapanga nzila ya muntu, elyo mpawo muntu wakaka kweenda mu nzila eyo, mpawo Leza uli jisi nguzu zya kubuzya, “Nkaambonzi ncota cicita?” Elyo ncencico Nca kacita kaindi, alimwi ncencico Nca cita lino, elyo nke kaambo Nca yanda, eco Ncayo buzya ku Lubeta. Ba kabuzya, “Nkaambonzi?”

<sup>60</sup> Lino, kubala kwesu kwa Lugwalo kutalika kweenda, mpoonya biyo kwiinde lufu lwa Ahabu, i mwaami mubi, musyomi wakatikati, muntu oyo wakazi eco caka luleme ku cita, elyo nekubaboobo tako jisi camba cakuzwa a kucita eco nca kazyi kuti cakali luleme.

<sup>61</sup> Ndi yeeya buyo, ikuti eyi—ikuti eyi inyika tai sofweede sunu kuli ba Ahabu, oyu Kristendomu mo tuponamo, caka sofwaazigwa kuli ba Ahabu, a muntu oyo uuzi ncobeni kuti cili luleme kupa buumi bwako a kuba...kuli Leza, a kuzuzigwa Muuya, a kutobela kuyiisyia kwa Bbaibbele eli, elyo nekubaboobo kakutakwe camba ca kwiima a kucicita. Cila ndiyeeyza alubo ciimo cimbi mbuli ceeeo mu Sodoma.

<sup>62</sup> I Bbaibbele lyakati, “I zibi zya Sodoma, zya kapenzya buntu bululeme bwa Lota, mazuba oonse.” Elyo obo buntu bwa muntu mbo bwa kaluleme, nkabela wa kalanga koonse ku zibi zya nyika, elyo wa kalizi kuti eco cakalubide, kuti bakali kucita cilubide, elyo nekubaboobo kabatakwe camba ca kwiiminina kulamwa kwakwe.

<sup>63</sup> Ta cigambyi nyika yoonse yaba Sodoma a Gomora, a nzila ba Lota asunu, kulanduka cisi a kuzunguluka inyika, kabaimvwi mu mambungano, oyo walamwa kuti Jesu Kristo ngu mbobuca nguwenya, sunu, amuya myaaka, alimwi kuti nguzu Zyakwe nzya kasimpe buyo mbuli mbo zyakabede lyoonse, kakutakwe camba ca kwiima mu cikambaukilo a kusampaula cibi, nkaambo ka cisikila cimwi cinga caba tanda kuzwa ku luswaanano olo ndoba kasangene. Ucijokela ku Bulowa bwa Jesu Kristo, busilike bulikke.

“Nkaambonzi? Nkaambonzi?”

<sup>64</sup> Ahaziya wakali—wakali mwana wa Ahabu, waka komezegwa mu musyobo wa muunzi oyo—oyo wakali ii—ii muunzi ukasaala. Tii wakali Munakristo kumaninina. Banyina bakali bahedeni. Elyo bawisi baka kwatila mu luswaanano, baka kwata mwanakazi oyo watakali musyomi.

<sup>65</sup> Elyo eco lyoonse cibamba muunzi mubi wa mwana uli oonse ku komezegwa mukati, kuti cindi kutasyoma a lusyomo zyasola kusangana antoomwe.

<sup>66</sup> Elyo, lino, ikuti na taata wakali muntu tuyumu ncobeni mu lusyomo lwakwe, i mwana kwayanda wakajisi coolwe cibotu, pele ta—ta kacita. Ta kajisi. Wa kalizi kuti kwakali Leza. Wa kalizi kuti kwakali Jehova. Elyo mpawo wa...tuleza twa banyina, a zimwi zimbi. Wa kanyonganisigwa koonse. Mpawo kwiinde lufu lwa bawisi, mulombe oyu mu ciimo eci, kubaanga nkunyongana, nzila imwi a imbi.

<sup>67</sup> Elyo ikuti na eco tacili cifoto ca masi sunu! Omwe mu mukwasyi ni nzila *eyi*, alimwi umwi umbi, alimwi umwi kaya munzila *eyi* alimwi umwi kaya munzila *eyo*. Ta cigambyi tu tondezya kusunda kwa bakubusyi kunji loko, a misyobo

yoonse imbi ya zintu, kunsi lya zina lya Bunakristo. Ngu kaambo kakuti kwiina kukamantana. Kwiina kwiitwa kwini, a kwiiminina Leza.

<sup>68</sup> Lino tu jana kuti, oyu mulombwana ka sikukona ku cuuno cabwami ca bawisi. Buzuba bumwi, atala lya bbalukkoni lyakwe abusena bumwi, keenda koonse, wa—wa kawida kwiinda i—i mpalangwizyo. Kwayanda wakali koledwe elyo wakawa mu mpalangwizyo, antela ansi ku cibuye, wakauma beenci na cintucimwi, a kutyola mampango masyoonto na ku mucuaula. Elyo bulwazi kweelede kuti bwakatalika kuyambukila kubusena bumwi, na kucuaulwa, a kumu citya kuba antuntumaanzi. Elyo wa kali cisidwe kapati.

<sup>69</sup> Mubwini, mazuba ayo, tiiba kajisi zisilisylo nzoba jisi lino. Antela madokotela baka boola a kucita eco nco bakali kukonzya ku mulombwana, pele tiiba kajisi kweelela. Mpawo wa kalizi cintu cakwe luzutu eco nca kali kukonzya kucita cakali kukonzya kuunka ku nguzu zyaatala maningi kunze lya ceeco bamadokotela ncobakali kukonzya kutondezya mu bwaambe bwabo bwa misamu. Elyo wa kayeeya kuti uyo unka mpawo; elyo wa katuma kuli banyina.

<sup>70</sup> Ino nciyo eco ceelede kuba kuli bamatumbu! I mwana kanji uyo swiilila kuli banyina.

<sup>71</sup> Elyo wa kaunka kuli bakwe, katuma ku kaleza ka banyina, Baala-zebubi, okuya ku Ekironi, oko cibumbwa cakwe nko cakabede, cintu cakwe ca ciibalusyo. Elyo kati, “Kamuya muka buzye bapaizi okuya, a kubalekela kayo buzya cibumbwa cabu ca Baala-zebubi, naa Njo pona ku bulwazi obu Mbwe jisi, na pe.”

<sup>72</sup> Pele nywebo mulizi, muntu oyo, ncobeni, sa inga mwayeeya? Ii bantu abo bakeelede kuba bantu bayoowa leza, inga balekela muntu uli boobo ku beendelezya, nkaambo ka bube bukasaala. Cakali ciimo eco mbungano ncoya kanjila, eco cakabikka muntu uli boobo mu nguzu, na kucizumizya. Nse syomi kuti ziindi zyaka cinca maningi; ziciboneka kuba zyoonse munzila njionya. A kulekele oyu muntu kweendelezye, abe anguzu zya kwaamba ku cisi, oyo unga wabuzya cibumbwa cimwi ca muzeezo wabuhedeni kujatikizya ciimo cakwe.

<sup>73</sup> Elyo mpawo, nywebo mulizi, pele kunze lya coonse ca ncico, takukwe makani kunji mbo ciboneka kuti Leza wakanyona busyu Bwakwe kuzwa ku bantu, Ula cita eco ciindicimwi kubona musyobo wa ciimo nco bweza. Oonse mwana uboola kuli Leza weelede kusolekwa a kukomwa.

<sup>74</sup> Elyo mpawo kuli kabata kaniini mu mwaalumi, na mwanakazi, cindi ba zyalwa aa Muuya wa Leza, obo Mbutamani.

<sup>75</sup> Elyo uyo njila mu busena ciindi cimwi oko zyoonse... Zintuzyoonse ezyo zya buntunsi kujatikizya nduwe, mu kubuzyabuzya, dyabulosi inga wa cibuzyabuzya kuzwa kuli

nduwe. Pele cindi zyoonse zya pasauka, mpawo, ikuti na obo Buumi Butamani tabuli omuya, uyo wida ayebo, nkaambo ula konzya kulibuzya lwako kuzwa kuli Leza.

<sup>76</sup> Pele muntu oyo utaminina kuba Munakristo, ta jisi nguzu mu cikambaukilo, na ta jisi nguzu mu ofesi, musololi kuli koonse, kusikila lutaanzi watanta matantilo mu busena awo mpa kazyalwa Muuya wa Leza, kazwide Muuya Uusalala, mu nzila eyo cakuti taakwe muntu uukonzya ku cipandulula kuzwa kuli nguwe.

<sup>77</sup> Leza, cindi Na katuma Musa kumusanza ku Egepita, ku kuvuna bantu, lutaanzi Wa kamutola kumbo lya lukula, a kugwisya lwiiyo loonse lwabukombi ndwa kajisi muli nguwe, mu myaka ili makumi one, elyo mpawo kalibonya kuli nguwe. Wa kalizi kunji kujatikizya Leza, mu maminiti osanwe, mu Busyu bwa citeo eco ciyaka, kwiinda mbwa kazyi mu myaka iili makumi one ya kwiiya ezyo nzya kajana.

<sup>78</sup> Eco nce cintu mbungano nceyi yandikana sunumasiku, nduzibo lumbi lwa citeo ciyaka, oko bantu ba milaka ikweleлезя... Awo, Lugwalo Iwaamba kuti, “I myuuya yobile mu mazuba aa mamanino iyo tandila kukozyanya loko, inga ciyo cenga mbabonya basale ikuti kulakonzeka.”

<sup>79</sup> I muntu weeledge ku saanguna ku njila mu busena busetekene a Leza; oko boonse basilwiiyo lwa zyabukombi, boonse bamaiyi ba zyabukombi, koonse kubuzyabuzya, boonse batasyomi kubaleza, taakwe cimwi cikonzya kusola kupandulula eco kuzwa muli nguwe. Wa kaliko cindi Leza nakasika, alimwi ulizi eco cakacitika. To konzyi kucibuzyabuzya kuzwa kuli nguwe; wa kaliko cindi nicaka citika. Oyo ngo musyobo wa muntu ngo tuyanda sunu mu mfulumende, mu mbungano, alimwi kufumbwa kumbi, mu ziindi mbuli eci. Ku busololi, tu yanda muntu oyo uuзвide Muuya Uusalala.

<sup>80</sup> Eco ncencico mbungano ncoi yandikana sunu; kutali silwiiyo lwabukombi, pele muntu wakazulwa Muuya, muntu waka zyalululwa, wakazulwa Muuya Uusalala. Nda mwaambila, ikuti ni twa kajisi kunji kwa ceeco, mbungano inga yaboneka bwandeene aniini kwiinda mboi cita mu ciindi calino. Zintu inga zyacinca ikuti ni twa jisi buyo bantu banji bazwide Muuya wa Leza, kutali kutobela tunsiyansiya twa baalu, a zimwi zimbi.

<sup>81</sup> Lino tu jana kuti oyu mulombwana waka tuma kutala okuya ku kujana makani aya kuzwa—kuzwa ku i—kuzwa ku kaleza ka Ekironi, Baala-zebubi.

<sup>82</sup> Pele, ciindi coonse, Leza wakalizi kuti wakali kucicita. Aboobo Wa kajisi musinsimi kunselelo okuya, wa zina lya Eliya, aboobo Wa kakanana kuli Eliya a kuti, “Koya kutala kuya ku mugwagwa umwi, a kwiima mu nzila eyo. Batumwa bala boola.” Nywebo mwabona, to konzyi kusisa cintu kuzwa kuli Leza, mwabona, takukwe makani eco ncoli mukucita.

Lino, mbuniini buti mulombwana oyo mbwa kaziba kuti Leza wakali kukanana kuli Eliya kumusanza okuya mu nkanda kubusena bumwi, mu kaanda kaniini ka ntimba kubusena bumwi, alimwi kali kukonzya kumwaambila kuti "Koya, ukaimi ku kkona lya mugwagwa kutala kuya, a kukanana ku balombwana aba, a ku baambilila 'Amujokele kuli nguwe, a ku mwaambila, "MBUBOOBU MBWAAMBA I MWAMI, takazwi mu bulo obo.'"'"

<sup>83</sup> Elyo Wa kati, "Amu mubuzye, 'Nkaambonzi wa cicita? Ncinzi cakubamba kucicita? Sa nku kaambo kakuti taakwe Leza muli Israyeli? Sa nku kaambo kakuti Ta jisi musinsimi? Sa ako nkekaambo ncomwa kacicita? Baa, ulizi eco cakacitika. Uli zyi Lugwalo. Ujisi nzi mu palesi yako. I bapaizi bali munsi kuya. Kwiina kuzumbauzya wakaabala kuzwa koli mulombe. Elyo nkaambonzi ncowa kacitila cintu cili boobo cabufuba mbuli ceeco?"'

<sup>84</sup> Nda libuzya, sunumasiku, ikuti na Kristo inga wasika aa cilao, na aa cisi sunu, mu kuleta eci cisi ku lubeta, ikuti na oyo mubuzyo nguonya niwa takabuzigwa. Nkaambonzi cili obo, tacili obo na? Nkaambonzi neco tucita zintu ezi? Nkaambonzi neco tuli mu kukwankwana mu mfulumende, naa tweede kubala Bbaibbele mu buleya, elyo, baa, ikuti na tu bala bufuba obu boonse? Sena basikale besu tiiba kabamba mbali eyi ya milao mu matobelanwa? Sa eci cisi tii cakazyalwa aa milazyo ya Bbaibbele? Sa tatuli wano ku lwaanguluko lwa bukombi, ku cita muli Leza nzila mbo tulimvwa kweelela kucita, nzila njo twa kalamwa kuba ya Mbwini?

<sup>85</sup> Pele, nywebo mwabona, twa cita cintucimwi mbuli mbo bakacita kaindi. Tu lekela buyo zintu zyoonse, tunzenyu, kutumena, mu busena bwa kulemeka Lusyomo lwersu muli Leza wesi, a muntu oyo wakaiminina Bwini. Elyo tu lekela tunzenyu twesu kumwaya ceeco, aku vootela kunjizya zintu zili boobo zisofwaazya cisi eci, elyo kuciindi notu boola ku lubeta. Leza uyo buka aa cilao, buzubabumwi, a musinsimi singuzu, kukanana mu nzyalani eyi a—a kwaambila bantu, nkabela bayo bona kuti ngu Leza kakanana, pele taba keempi. Ci yooba buyo mbuli mbo cakabede kaindi.

<sup>86</sup> Wa kati, "Sa kwiina Leza mu Israyeli? Sa nkaambo kwiina Leza?" Mbulonya mbuli Jeremiya mbwa kaamba, "Sa kwiina bbona muli Gileadi? Sa kwiina musilisi awo?" Mpawo, tiiba kakonzya kwiingula oyo. Mubwini, ngooyo mbwakabede. Ee, Wa kati, "Mpawo, nkaambonzi, nkaambonzi neco kacicita? Nkaambonzi mwana musimbi wa bantu bangu ncoba taponesegwi?"

<sup>87</sup> Lino tula libuzya eco, sunumasiku. Nkaambonzi? Sa takukwe Bbaibbele? Sa takukwe Leza? Sa takukwe lwaandaano?

Ikuti na Leza uyo leta bantu ku Lubeta, We elede kuba a cintucimwi caku babeteka. Kweelede kuba ceelesyo cimwi.

<sup>88</sup> Ikuti na Uyo babeteka kwiinda ku mbungano ya Katolika; mpawo ikuti na bababete ka kwiinda ku mbungano yaba Roma, mbungano ya Cigriki ili sweekede, mambungano ambi aa Katolika ali sweekede. Ikuti na Wa kacibeteka kwiinda kuli Cigriki, ba Roma bali sweekede. Ikuti na Wa kacibeteka kwiinda kuli ba Lutherani, ba Methodisti bali sweekede. Ikuti na Wa kacibeteka kwiinda ku Methodisti, Lutherani ili sweekede. Ta konzyi kucibetesya kwiinda ku mbungano; kuli tubunga tunji twaandene loko twa ncico.

<sup>89</sup> Pele Leza uyo beteka inyika, Wa kati, kwiinda kuli Jesu Kristo. Elyo Jesu Kristo ndi Ijwi, alimwi Ijwi ngu Leza. Elyo Uyo babeteka kwiinda ku Bbaibbele eli, nkambo eli ndi Ijwi. Eco nce ceelesyo ca Leza. Twe elede kulyeleka kuli ceeeo Bbaibbele nco lyamba.

<sup>90</sup> Elyo tula gambwa kaambo nco tujisi lupyopyongano lunji loko, tubunga tunji loko, kwiimpana kunji loko, kupambula bunyina, a—a zintuzyonse. Ngu kaambo kakuti kwiina Bbona muli Gileadi? Sa ngu kaambo kakuti kwiina musilisi awo? Nda libuzya ikuti na Leza inga watubuzya mubuzyo oyo?

<sup>91</sup> Lino, tii cakali—tii cakali mbubonya kuteeti tii baka jisi Musilisi. Ba kacita. Leza wakali Musilisi. Elyo tii cakali kuti nkaambo kwakanyina Leza mu Israyeli. Kwakali Leza. Elyo baka jisi musinsimi wakubuzya, kuziba zintu ezi mbo zibede. Pele kwakali kuyanda kwa kutamvwa ikwa mwaami kayo cita. Mbombubo ncobeni.

<sup>92</sup> Elyo nde penzi mu cisi sunu. Nkuyanda kwa kutamvwa kwini ku bantu. Kutali kaambo kakuti ta tujisi Leza nguwenya wakalanduka Lwizi Lusalala, a bantu Bakwe, abo mba kasanina myaka ili makumi one mu nkanda. Takuli kuti nkaambo tatu jisi Leza nguwenya oyo ngo twa kajisi ku matalikilo. Eyo ni nzila ya kutamvwa ya bantu. Taba yandi kukotama. Taba yandi ku—ku cintu cili coonse cakucita a busalali a kunjoloma kwa kupona nzila ya Bbaibbele ya kupona. Inga basala kuzulilwa ku mbungano a kubikka mazina abo mu bbuku, a kupona mbuli bamwi bamu inyika, kwiinda ku kotamina ku zisyomezyo a Milao ya Leza Singuzuzyonse. Eelyo nde penzi sunu. Ako nkekaambo zintu nco zyeenda mu nzila mbo zibede, bantu balazwa ku Ijwi. Tamu kakonzyi kululamikwa kusikila tu kajokela mu kazila kaluleme.

<sup>93</sup> Ba kayaka buyake obu, kabikka kkona eelyo ansi *awa* abusena bumwi, inga tojana buyake buyakidwe. We elede kubikkwa aa ntalisyo. Elyo ntalisyo ndi Bbaibbele, njiisyo ya baapostolo a basinsimi, azimwi zimbi, zya Bbaibbele.

<sup>94</sup> I nzila ya kutamvwa kwini kwa mwaami. Ta kali kuyanda buyo ku—ku tuma kunselelo kuya. Tii yakali ya mpuwo loko.

<sup>95</sup> Nzila ya kasimpe iya Leza ya kupona tii yakali ya mpuwo. Tai kabi ya mpuwo. “Nkambo kukambauka kwa Makanimabotu mbufubafuba kuli baabo banyonyooka.” Paulo wakati, “Nse fwibweeme ku Makani mabotu aa Jesu Kristo, nkambo ni nguzu zya Leza ku lufutuko kuli baabo basyoma.”

Lino tu jana kuti awa mwaami takali kumvwa.

<sup>96</sup> Cintucimwi buyo mbuli sunu, mulwazi uyo kkala mpoonya aa... Ino kuti mulwazi wainka kuli dokotela a kulala aa matantilo akwe, elyo wa kajisi musyobo umwi wa ii—ii ntuntumaanzi yakali kuyo mujaya? Elyo dokotela wakasika ku mulyango, a kuti, “Munene, Ndi jisi musamu omu.”

Wa kat, “Aah, Nseli boobo buyo.”

“Ko boola mukati, Njo kupa kunjizigwa, kusitwa.”

“Nse yandi musamu wako.”

<sup>97</sup> Elyo kwaamba lino, “Munene, Nda—Nda konzya kukugwasya ikuti na uyo njila buyo.”

“Ee, Nse booli mukati.”

<sup>98</sup> Elyo muntu wakalala awo aa matantilo aa dokotela a kufwa; kufwa aa matantilo a dokotela nkaambo ta kazumina kusitwa kwa ntuntumaanzi ya taifoodi na kufumwa mboibede, eyo nja kajisi. Ta kazumini kusitwa kwa nkuko, nkabela muntu wafwa mpoonya aa mulyango wa dokotela. Lino, mwaalumi... To konzyi kupa butongo kuli dokotela, ikuti na ujisi i—i musamu oyo uyo—oyo uyo ponya bulwazi, nkabela dokotela ulayanda kuupa, alimwi ula pegwa. Elyo mwaalumi wakabikka, kasika munsi loko mbuli mulyango wa dokotela, a kukkala alya a kufwa, to konzyi kupa mulandu kuli dokotela. To konzyi kutongookela musamu. Walo muntu eelede kutongookelwa; kafwa kumatanti amulyango wa dokotela, a bulwazi kuti kuli musamu ukonzya kubuponya, konzya kubuponya, mukati mwini. Ee, ako nkaambyo buyo.

<sup>99</sup> Pele, nywebo mulizi, Leza uli jisi musamu mukati ka Bwami Bwakwe, eco ciyo ponya malwazi oonse aa cibi aliko mu inyika, a bantu bala kkala mpoonya aamatantilo amulyango wa mbungano. Kuli biyo obo, pele bala kkala mu zyuuno, a kufwa, a kusweeka kuya ku Gehena, nkaambo bakaka kutambula musamu wa Dokotela. Amen. Mbo mbubo. Bala kaka ncobeni kubweza musamu wa Dokotela, aboobo balafwa ku ntuntumaanzi.

<sup>100</sup> Elyo bantu bala kkala mu mbungano a kumvwa Milumbe ya Leza, a ku basyoma, nkabela tabaka Ci tambuli. Inga tee bat, “Ee, lino Nse syomi kuti eco cili luleme.” Bamwi babo bayo boola, akwaamba a kuzuminana a Ndilyo, kwaamba, “Nda syoma Lili luleme,” pele to kacicit. Mwabona, moyo fwa. Kufwa mu zyuuno zya mbungano, nkaambo taba kazumini busilike. Ta

bakaciti. Mwabona, eco nco cicita, ci tola kabeela kaniini i—i kampuwo kuzwa ku bantu. Cibaanga cilaba zunda asyoonto.

<sup>101</sup> Ba yoowa Kuzyalwa oko kupya. Nywebo mulizi, kuzyalwa kuli koonse mbusofwi. Nse jisi makani mbo cibede, ikuti na mu caanda cangulube na cibbadela cakasakatizingwa amubala wa pinki, nkwa busofwi, alimwi mbubonya mbo kubede Kuzyalwa kupya. Ciyo kubamba kucita zintu nzota kayeeya kuti inga wacita. Ciyo kululamika. Pele kotana konzya kusola kululama, weeledé kuboola kwinda mu kupilingana oko. Mbo mbubo. Ameni. Mbuto kaitana kusola kuzyalwa, yeelede kufwa a kubola. Elyo nde penzi a bantu sunu, taba yandi kufwa a kubola ku inyika, kutegwa bakonzye kuzyalululwa ku Muuya Uusalala. Mwabona, mbo mbubo. Ba yoowa Kuzyalwa oko kupya. Ba—ba layoowa.

<sup>102</sup> Luba bamba kucita zintu nzo batayandi kucita. Lu gwisyá mpuwo kuzwa kuli mbabo. Lu gwisyá kalengwa kuzwa kuli mbabo. Oh, Nda mwaambila, Ndili kkomene kuti kuli kusitwa, sunumasiku, eco ciyo cigwisyá kuzwa kuli nduwe, mukwesu, eco ciyo gwisyá nyika. Luyo bamba bantu kuba, aciimo cabunyina, kubeleka antoomwe kakutakwe makani aa kwiimpana kwatubungwe. Luyo—luyo citya ovolosi lya kagwambatila nsuuti ya tukisedo, a koongolola, “Mukwesu, Nda kkomana ku kubona!” Ameni. Masimpe! Pele nywebo...Ba yoowa kusitwa oko. Oh, ma!

<sup>103</sup> Nca ntenda kukaka musamu wa dokotela, nywebo mulizi, ikuti na—ikuti na uunka kuli nguwe. Elyo cila yoowa zya...Ikuti na wakaka musamu, nca ntenda. Inga wafwa. Pele kuti, kuti, uya kufwa cakunyama, nkaambo kakutanywa musamu wa dokotela. Pele nkunji buti ntenda mbo cibede kukaka kusitwa kwa Leza kuzwa ku cibi!

<sup>104</sup> Awa ciindi cimwi cainda, Nda kajisi kulebuka kuniini kwa balwazi, elyo muntu umwi wakati kuli ndime, kati, “Ee, Billy,” kati, “sena wakabamba bukombi bwako kuciindi ca malwazi ako?” Kati, “Yebo ulizi, ula syoma mu kuponesegwa kwa Buleza; sena wakabamba bukombi bwako?”

<sup>105</sup> Nda kati, “Peepe, cakandi bamba. Kutali muzeezo wangu ku bubamba; bula ndibamba.”

<sup>106</sup> Cindi Bulowa bwa Jesu Kristo nibwa katilwa aa Kalivari, Leza wakapa kulibambilá. Cindi muntu nakabisya lutaanzi, wa kali siila mugelo wakwe mupati ngwa kazabuka, kuli jalila nzila yakwe yakujokela. Leza, uuvubide mu luse, wakatambula ciiminizyo, elyo obo bwakali bulowa bwa kabelele na musune, nkabela eco ciiminizyo caka kkala kwa myaka.

<sup>107</sup> Musa wakaima kunsi lya bunanike bwa Leza, cindi cibi nica takalekwa akwalo, caka vumbwa buyo ku bulowa bwa bacende a mpongo. Elyo wa kajisi i—i bulemu bwa Leza aali nguwe, kusikila wa kali kukonzya kwaamba nzinini mukuba,

wa kali kukonzya kwaamba baculwa mu kuba. Nkaambo, ijwi muzeezo watondezegwa, nkabela Leza wakaleta miyeyeo Yakwe kuli Musa, nkabela Musa waka baambila mu majwi. Elyo cindi Ijwi nilya kakanana, inyika yoonse yaka pangwa kwiinda ku Ijwi ly a Leza.

<sup>108</sup> Kwakali ciindi Ne kali kusika, mu cikolo, kubikka inki uusiya aa shaati lyangu—aa—ali lyangu. Baama bakali kundi supula shaati lyangu, a kwaamba, “Kondi pa, cakufwambaana, oyandwa,” elyo bakali kunga babikka mafuta aa malasha ali ndilyo. Elyo konse nkwa kacita nkuka sabalanganya, kabamba kabala ka mubalo kukomena maningi, oko nkwa kabikka mafuta a malasha aali inki. Nku koonse nkwa kazi. Eco cakali cibotu maningi nca kajisi.

<sup>109</sup> Pele cili andeene sunu. Ba kapanga cintu citegwa mbulichi. Elyo nywebo . . . Walo musamu cakuti kufumbwa cindi inki oyo wawida muli Klokokisi oyo, na bbulichi, kufumbwa mboubede. Cindi wauma oyo, to konzyi kujana limbi kusiya, pee. Ncinzi cicitika kuli nguwo? Kulosa dosi lya inki uusiya mu cidishi ca bbulichi, baa, to jisi cintu. To konzyi kujana maccovu ali oonse.

<sup>110</sup> Ikuti na Nda kali silwiyo lwa kkemestri, aya—aya mabala inga taaba abwini ncobeni ku sayaansi, pele inga Nda amba, ino ncinzi? “Ngu H<sub>2</sub>O, maanzi, ku cintu comwe. Mpawo kuli musamu muli ncico, a kuubamba kusiya.” Kuli mubala omwe biyo mutaanzi, nkabela oyo ulatuba. Yoonse mibala imbi ya kasandulwa kuzwa kuli ceeco. Elyo lino Nda amba . . . Elyo mpawo ikuti na wa upasaula kuzwa awo, elyo ndiza inga wat, “Ee, waka sanduka kuba muli asidi cindi niwaka uma bbulichi. Wa kasanduka kuba asidi.” Yaa, mpawo nkuuli asidi nkoya kaunka? “Asidi ya kajokela . . .”

Lino, mubala ngo twaambaula muli ceeci, mubala.

<sup>111</sup> Kwaamba, “Ca jokela ku mamolekyu. Ee,” kwaamba, “molekyu ziindi zyone taimuzi cisambomwe kusanganya fuka, cibamba molekyu H.” Ikuti na ya yutuka kuba foo pulasi sikisi pulasi eiti, ino inga ya yutuka kubanzi? Pinki mibusena bwa kusiya. Mpawo ya kajoka kuzwaawo kuya ku maatomu. Mpawo, kuzwa ku maatomu, pulasi wani pulasi B2 pulasi thrii, kupanga foo, oko kwiibikkia antomwe a molekyu H. Yaamba nzi? Mpawo ula jokela ku kusiya alubo. Elyo mpawo cindi wainka kwiindilila ceeco, inga waunka ku elektronni.

<sup>112</sup> Nkokuli nkoya kaunka? Uyo elela kujokela. Nkaambo mbulenge, bwa kacita kuzwa ku Mulengi. We elede kucibamba. Nkikaako, ca keenda lweendo lonse kujokela ku Mulengi waco. Oyo mubala wakali muli inki oyo, ta cikonzyi kubweeda alubo.

<sup>113</sup> Lino, Leza wakabona kuti bulowa bwa bacende a mpongo tii bwakakonzya kugusya cibi. Ta kapanga, pele Wa kalenga musamu mu Bulowa bwa Jesu Kristo. Amen. Eco cibi caambwa lomwe mpoonya awo; to—to swaangany cizabukilo ca mugelo

oyo, ula gusya mugelo cakumaninina, alimwi Leza tazi akwalo kuti wakabisya. Mbo mbubo. Wa kati Wa “kabikka mu Lwizi lwa Kuluba,” kuta ziyeeya limbi pee. Mpawo baalumi a banakazi balaima mu Busyu bwa Leza, mbuli bana balombe abasimbi iba Leza, bupange mbubonya bwa Leza wabo mu myoyo yabo.

<sup>114</sup> Ili kuli mbungano sunu, mukwesu? Ncinzi cakacitika ku mbungano? Cindi, inga twa bona kuti Bulowa bwa Jesu Kristo bwa kalekelela zibi loko, cakuti Leza akwalo ta yeeyi kuti twa kabisy. Mpawo, “Kufumbwa cintu ncomu lomba mu Zina Lyangu, eco Nceyo cita.” Ino ndi penzi nzi? Ngu kaambo muntu umwi waka yiisya Magwalo aya canguzu nkambo ka bantu. Eci nce cintu cilikke eco Nce konzya kumvwisya caka citwa, nkaambo cisilisyo ca Leza cicili mbubonya. Lino, nca ntenda kukaka kusitwa kwa dokotela, nkunji buti Leza!

<sup>115</sup> Lino mbobuti muntu mbwa sola kujana musamu, nekuba, ku beleka aa muntunsi? Nywebo mulizi eco basayaansi ya kkemestri ncobacita, na—na banasayaansi? Bala bweza bulwazi, a kuziba na musyobo nzi wa nseke ili muli njiyo, mpawo bala jana musyobo umwi wa musamu uujaya, zikola, a zimwi zimbi, oizomi munji wa kujaya, a antidoti inji kwii kasya kucicita, elyo bala iyasa lutaanzi mu ginipigi. Ba layasa ginipigi bulwazi obo mbo jisi. Elyo mpawo bayasa musamu mu ginipigi, elyo na ginipigi yafutuka kuli mbubo, mpawo bala uyasa kuli nduwe. Aboobo eco ncintu cikubwene, nywebo mulizi; kaupa ku ginipigi a kubona ikuti na inga ya ukkwanisy, elyo, ikuti na ginipigi tai fwi, mpawo bala upa kuli nduwe. Kutali boonse—tabali bantu boonse bali mukupangwa mbuli ginipigi, nywebo mulizi, aboobo ula—ula jaya bamwi a—a kugwasya bambi.

<sup>116</sup> Pele kuli cintu comwe kujatikizya oku kusitwa oko Jesu Kristo nkwapa, kula gwasya bantu boonse. Ta cili cisilisyo; nca kuponya.

<sup>117</sup> Mwa kamvwa bantu kabaamba sunu, “Sikujaya wiinda mbulwazi bwa moyo.” Ndila—Ndila impana a mbabo; kutali kuba wiimpene. Ndi impana buyo nkaambo Ndi lizi cili lubide. Sikujaya wiinda mbulwazi bwa cibi. Yaa, kutali—kutali malwazi onose aa moyo, mbulwazi bwa cibi.

<sup>118</sup> Nywebo mulizi, bantu bamwi balati, “Ee, lino, Mukwesu Branham, Ndi syoma kuti wakwazamuna ngubo alya aniini. Lino andi kubuze cintucimwi. Ii muntu weelede kubisy; Nde elede buyo kubisy ariini abuzuba.” Ako nkaambo kakuti ton a sitwa. Kwa mana. Mwabona? Uh-huh. Inzya. Tona sola kusilikwa kwa Leza. Mbo mbubo. Ikuti na inga wacita eco, nkokuti inga to cicita.

<sup>119</sup> Kwaamba, “Nde elede kufweba. Cintucimwi cindibamba buyo kufweba.” Ka kusole kusitwa ciindi cimwi, a kuziba naa—naa kula bekela na pe. Yebo wati, “Nse—Nse konzyi buyo kuli kasya kucita ceeci. Ndi—Ndi . . .” Ee, yebo buyo—yebo

kobweza buyo tokozini ya Leza ciindi cimwi a kubona mbo icita kuli nduwe.

<sup>120</sup> Mwanakazi wakaamba kuli ndime calino. Nda kali mujisi kujatikizya kusama zisani ezi ziniini zyakaindi zyacisapi. Elyo waa kati, “Lino, Mukwesu Branham, andi kwaambile, to jisi nguzu zya kwaamba ceeco. Tu jisi nguzu zya kusama tubbudula ikuti na tula yanda.”

<sup>121</sup> Nda kati, “Nda yeeyela mbo mbubo. Pele ikuti na wali Munakristo, inga toyanda ku zisama.” Waa kati, waa kati . . .

<sup>122</sup> Elyo waa kati, “Ee, lino lindila, Mukwesu Branham.” Waa kati, “Yebo ulizi, taba cipangi misyobo iili yoonse iimbi ya zisani pele ezyo buyo zisani zyabwaamu, a zimwi zimbi, mbuli eco.”

<sup>123</sup> Nda kati, “Ba cijisi zintu zya mabbautu a kupanga mincina ya kusumya. Kunyina ntamizyo.” Mbo mbubo.

<sup>124</sup> Nku kaambo kakuti taba yandi kusitwa kwa kuzuzigwa Muuya Uusalala, muswaangano uusalala wa zivuka, waciyanza cakaindi, wa Leza uuvuna. Ameni. Mbo mbubo.

<sup>125</sup> Ca kali lubide kucita zintu ezyo. Ci cili lubide! Mbo mbubo. Pele ndipenzi nzi, kuli cintucimwi cakacitika. Cakali kunga—kuti bantu bakali kulilemeka mbuli booboo, bakali tandidwe akwalo kuzwa ku bukkale; lino taba konzyi kuletwu mu bukkale kusikila bacicite. Elyo aboobo, nywebo mwabona, ciya awo moyo wako mpoubede, nkooko lubono lwako nkolubede alwalo; na oko lubono lwako nkulubede, moyo wako nkoubede, awalo. We elede kuyeeya, kuti, ikuti na ula muyanda Mwami a moyo wako oonse, uyo pona kosalala a kunjoloma.

<sup>126</sup> I mukaintu a Ndime twa kaunka ku cintoolo ca makwebo, okuno ciindi cimwi caina. Twa kabona cintu ceenzu, mwanakazi waka samide dressi. Cakali cintu ceenzu mu cisi cesu. Elyo Meda wakati kuli ndime, waa kati, “Bill, Ndi lizi obo, balo, bamwi babo banakazi balaimba mu makkwaya kunselelo okuno mu mambungano.” Elyo waa kati, “Ndi bazi.” Elyo waa kati, “Lino, baa, ncinzi cibabamba?”

<sup>127</sup> Nda kati, “Ee, yebo wabona, oyandwa,” Nda kati, “mukuba missionari, mbuli lwangu,” Nda kati, “tuli—tuli ba cisi candeene.”

Waa kati, “Inzi?”

Nda kati, “Tuli ba cisi candeene, cisi candeene.”

Waa kati, “Sa tatuli bana America?”

<sup>128</sup> Nda kati, “Tu kkala kuno, pele oyu tauli muunzi wesu. Tuli bamuzwamasi. Tu vwantauzya Munzi, Oyo wa Muyasi a Sikupanga ngu Leza. Nda kainka mu Finland; Nda kabona nzila mbo bakalilemeka mu Finland. Nda kanjila, a kunselelo mu Germany; Nda kabona nzila mboba kajisi muuya waci

German. Nda kaselemukila mu Switzerland; ba kajisi muuya wa Switzerland. Nda boola ku America; ba jisi muuya wa America.”

Waa kati, “Ee, mpawo, ino kujatikizya ndiswe?”

<sup>129</sup> Nda kati, “Twa kazyalwa kuzwa Kujulu, Wakujulu, oko kunjoloma, a busalali, a bululami, a kusyomeka.” Iiyi. Nda kati, “Nkikaako, abo bali taminina ceeco, talangi ku zintu zya inyika. Pele twa amba cantangalala, kwiinda ku maumi esu a nzila mbo tupona, kuti tuli jisi Leza, tuli jisi Bwami, tuli jisi busena mbo tuya. Alimwi oyu tauli muunzi wesu.” Ameni.

<sup>130</sup> Ma, Nda ciyanda eco! Nda talika kulimvwa cabukombi loko ndyoonya eno. Iiyi, munene. Nda syoma mu lufutuko olu lwa ciindi cakale, lufutuko lupati lwa Muuya Uusalala. Oh, mukwesu, mucizi, cila cita cintucimwi kuli nduwe. I Leza nguwenya, wakapona ciindi cimwi, uci pona sunu. Bakwe mbabonya, njiisyoyakwe njionya ya busalali, ilapona buyo sunumasiku mbubonya mbuli mbo yakasola kupona, cintu nciconya buyo. Iiyi, munene. Amubone, bantu baka tantamuka kuzwa ku njiisyoyakwe Ncico, kwa mana. Iiyi. Lino, iiyi, munene.

<sup>131</sup> Wiinda wesu . . . Bulwazi bwa moyo tabu citi, cintu cipati eco ejaya bantu sunu. Bwiinda bumwi: mbulwazi bwa cibi. Elyo cibi nkutasyoma. Kutasyoma mu nzi? I Bbaibbele. Mbo mbubo. Iiyi, bwa namba wani: bulwazi bwa cibi, obo bujaya bantu sunu, koonse kumuuya a . . . Alimwi buya kubajaya kunyama, mubwini, nkaambo baka tondezya kale kuti oyo muntu ujisi nkoto, a mwanakazi oyo ukwankwana a kunyonganya, a kulgana a kukazya, ba lafwa. Kuya kuleta kkulenge, fangasi, zintuzyonse ziyooba omuya, maausa.

<sup>132</sup> Mwabona, mwa kabambwa kukkomana a kwaanguluka. Mwa kabambwa kupona mbuli bana kumbele lya Taata wanu, a—a kuziba kuti Ula bamba buzuba abumwi, zintuzyonse zila beleka kabotu kuli nduwe buzuba abumwi. Iiyi, munene.

<sup>133</sup> I bantu bayoowa buyo Kuzyalwa oku kupya. Kwa mana. Bala yoowa kuboola kuli ncico, nkaambo ciyo balulamika. Ciyo kubamba kuleka kuuma lottari, kuleka kusobana zibonaanza ezi. Kuyo kubamba kukkanala ku ng’anda masiku muli Bwatatu, kusaya ku muswaangano wa mipailo, ku kulangilila *Tula Muyanda Sucy* a zyoonse ezyo zintu zisondokede ezyo Hollywood nzo ijisi, a kudana kubi nkoba sekelezya okuya. Elyo ciyo kubamba—ciyo kubamba kulekela masusu ako kulampa, malamfu. Ciyo kubamba kulilemeka mbuli mulindu. Luyo bamba mwaalumi kuleka kufweba misanga yatombwe, mpawo mukuba mu mbungano mbuli bamadaikona. Luyo bamba bantu kuleka kubeja, kubba. Luyo kucitila cintucimwi. Luyo musalazy a kumupa lufutuko cakuti kunyina cintu mu inyika cikonzya ku cipandulula kuzwa kuli ndinywe, nkaambo ulizi kuti wakaliko cindi nicaka citika. Iiyi, munene.

<sup>134</sup> Lino, mbuli Mbwe amba kaindi kainda, cindi Leza . . . Cindi muntu ajana musamu, cintu eco nco bacita, bala lingule busilike obu. Mpawo bala jana bulwazi obu, mpawp bala buyasa mu ginipigi akubona na ginipigi ilapona kuli mbubo.

<sup>135</sup> Lino, cindi Leza nakali kuyo leta aansi kusitwa oko ngwe Ndi kanana sunumasiku, eli bbona lya Gileadi, Ta kajana ginipigi. Wa kali Mwini. Ameni. Nzila biyo Nja kali kukonzya kucita, nku boola mu ciimo ca Mwana Wakwe, alimwi wakaba mu mibili wabuntu a kukkanaka akati kesu, kutegwa agwisye lumoola lwa lufu. Wa kaboola kufwa. I nzila biyo Nja kakonzya kufwa. . . . Ta kakonzya kufwa mbuli muuya, mbuli muntu. Aboobo Wa kapangwa kuba mibili uutegwa Jesu Kristo, Mwana wa Leza, alimwi Leza wakakkala mu mibili oyu, kalipanga Emanuel Lwakwe aa nyika, ku kugusya cibi ca muntu. Obo bwakali bupange obo bwakali mu Bulowa obo.

<sup>136</sup> Muntuumwi wakati, “Wa kali mu Juda.” Ta kali mu Juda. Bamwi babo bakati, “Wa kali Munamasi.” Ta kali Munamasi.

<sup>137</sup> Ta kalela kuba Leza. I Bbaibbele lya kaamba kuti, “Tula futulwa ku Bulowa bwa Leza.” I bulowa buzwa ku nkewela ya mweenze. Tu lizi obo. I hemoglobini izwa ku mweenze; muzyazi ndi iji biyo. Mbo mbubo.

<sup>138</sup> Mbuli Mbwe kaamba okuya, mbuli ciindi cabutololo. Aba bayuni batumbu bpatti bali mukuyaka ziteente abusena awa, akutula maji. bamwi babo batula maji azwide mu citeente ayo ata kakonkolwi, aalo. Nkaambonzi? Waa—waa kali kukonzya kutula maji manji, elyo waa kali kukonzya ku kkala ali ngawo a kusyomeka buyo loko. Inga watula maji abuzuba, aakwa kumba akutalya cakulya, kusikila waba mucete loko cakuti ta kakonzya kuuluka kuzwa mu citeente. Takukwe makani mboi ababeka, anzila mboi yafukatila, anzila mboi syomeka kuli ngawo, taa kakonkolwi. Nkaambonzi? Tana kali antoomwe a sinkwela nyina, alimwi taba jisi munzuka, aboobo akkala buyo awo a kubola.

<sup>139</sup> Eelyo nde penzi amiswaangano yesu minji ya baiminizi. Eelyo nde penzi a miswaangano yesu ya zivuka, bunji bwayo asunu, amwiswaangano yesu ya baiminizi. Ino tu jana nzi? I nkamu ya basikubebekwa a bakambausi bakompeme abo beeleded. . . . Baa, alo mause. Elyo kaboola omuya nkambo ujisi bulemu bumwi, na lwiiyo lunini, ku basumpula atala a cintucimwi. Inga nda, ma, cintu buyo nco tuyanda sunu ngu. . . . Tu jisi citeente ca maji abolede.

<sup>140</sup> Nco tuyandikana nciindi cakusalazya ziteente cibotu cakaindi, lweendo lonse kuzwida alya, oko kuyo citontela anze, kusikila tubweze baalumi a banakazi bazwide Muuya Uusalala; oyo wakali antomwe a Sinkwela nyina, Jesu Kristo, alimwi wazuzigwa a Muuya oyo Ngwa kabapatizigwa awe. Mbo mbubo.

Mpawo tu jisi Buumi mu cilawo. Iiyi, munene. Tokizini, bala Iyoowa.

<sup>141</sup> Jesu Kristo, Mwana wa Leza, cindi Na kazyalwa, bamwi babo bakati, “Ee, lino, Mbwa kabede, Wa—Wa kali iji lya Maria.” Ta kali obo. Ikuti na Mariya wakeelede kujana iji eelyo kwinda mu kapila a mwida, kwa keelede kuba kunyanyamukwa, aboobo mwabona eco nco citya Leza kucita? Ta kali, kwakanyina cibeele ca ncico.

<sup>142</sup> Leza, Cilenga, wakavunikila nakalindu Maria, a kulenga maseelo mu zyalilo lyakwe, a kuzyala Muntu wakali Emanueli, Leza Mwini wakaba mu mubili wabantu, akati kesu, kakutakwe lugwasyo kuzwa kuli umwi. Ngu Cilenga oyo wakapanga muntu mutaanzi. Ameni. Oh, ma! Ngooyo Mbwa bede. Ngooyo Uli imvwi. Iiyi, munene. Elyo mpawo Wa kacita ceeco kutegwa Ako nzye kubweza kusitwa.

<sup>143</sup> Kufumbwa muna sayaansi mubotu ncobeni, dokotela mubotu oyo uu jana bulwazi, bamwi babo bayo unka okuya ku cilabba ca ntolongo kuyo citya bantu bamwi ku cisola, abo bayooba a buumi mu ntolongo. Ikuti na waponna ku kusitwa, baa, mpawo poizoni tau mujayi, inga wainka cakwaaguluka ikuti na uli libambilide kubweza kusitwa. Baange ba lindila ceeco. Oh, oyo ngu dokotela uuyoowa musamu wakwe.

<sup>144</sup> Pele, nywebo mulizi, Leza taka yoowa musamu Wakwe Wini. [Kabeela katakwe cintu aa teepu—Mul.] . . . mu cilido cabanyama, muntu kaimvwi aa nkomwe ya Jordano. Cindi kusitwa nikwa kaseluka okuya, wa kakubona mbuli nziba kiiseluka kuzwa ku Julu, elyo Wa kusitwa. Elyo Jwi lyakati, “Oyu Mwana Wangu uuyandwa muli nguwe Mwe nkondelwa ku kkalamo.” Ameni. Leza mu muntu. Oko nkusitwa. Leza mu muntu. I inyika yaka Mu langilila. Masunko oonse, Wa ka cizunda. Cindi niba kaswida ku busyu Bwakwe, bakasomona cilezu ku Mu swida mate, caka imika sunko. Mu maora aa ku sunkwa, kwa kazunda sunko. Kwa kajata! I kusitwa oko Nkwa katambula ku Jordano, kwa kajata. Kwa kajata mu ciindi ca mpuwo.

<sup>145</sup> Ino ndipenzi nzi ku mambungano manji—aa sunu, Leza uyo balongezya, bayo talika . . . Elyo nce cicisa bantu besu ba Pentekoste. Ba, beeledе kujoka mbuli basyanene besu mbo bakabede, a mpani ya kagabba na nsaka, kunselelo lya kkona kumwi, kauma nsaka; kwinda mbo kunga kwaba kukkala mu mamocali aya mapati nge tuyaka sunu, kusola kukkopela mafashioni a bantu bambi. Eco nco tu yandikana ciyanza cibotu cakaindi cakutilwa kwa Muuya Uusalala, kuya kumusalazya, kusanganya anywebo nobeembeli ba mbungano iya Pentekoste. Mbo mbubo.

<sup>146</sup> Lino, cintu ca ncico cakali, cakuti cindi Muuya Uusalala niwakaseluka aali Jesu, ku buzuba bwa lubbizyo Lwakwe, Wa

kasitwa. Twa ka Mu langilila mu oora ly a masukusyo. Cindi dyabulosi nakasola ku Mu pa mami oonse aa inyika, ncinzi Nca kacita? Wa kakkala ncobeni a Ijwi. Ameni.

<sup>147</sup> Eco Nce gamba sunu, kuti bakwesu banji mu masena aa mulimo kuzwa ciindi lubukulusyo olu lwa buzuba bwa mamanino...Baa cili obo, cindi wajana tu kkobili tusyoonto na kucinca zisani, uli mupati maningi kuunka kumwi, ayabo, oh, cintucimwi cimbi, alimwi weelede kuba a cintucimwi cipati kwiinda cimwi? Uba simuzundano wa mbeba walyoonse. Alo mause. Leza uyanda muntu oyo uyo libombya mwini, a kuselemukila okuya mu busena, muntuumwi Ngwa konzya kukanana. Pele waba muzundano wa mbeba uli boobo, bantubonse basola kuba cintucimwi cipati kwiinda mulombwana umbi. Cili ii...Elyo, mwabona, taba konzyi kuzunda bulemu kwa sunko ly a Saatani.

<sup>148</sup> Pele Mwami wesu wakazuda sunko. I kusitwa kwa kajata. Ciindi nicakasika, kwakali kukazyanya aa Lugwalo, Wa kakkala ncobeni a Ijwi. Saatani wakati, “Kuli lemedianwe.”

Wa kati, “Kuli lemedianwe akwalo.” Oh, cili...Bulemu! Leza mu muntu, mwabona.

<sup>149</sup> Ino Wa kajisi nzi? Wa kajisi cintucimwi a Nguwe cakwiiminina ijwi lyoonse Ndy a kaamba. Wa kati, “Ikuti na Nse citi milimo ya Taata Wangu, nkokuti muta Ndi syomi. Pele ikuti na tamu konzyi ku Ndi syoma, amusyome—amusyome milimo eyo Nja cita kwiinda muli Ndime.” Oh, ma! Nceeco we.

<sup>150</sup> Eco nco tu yandikana baalumi a banakazi mbuli boobo, sunu, oyo uukonzya kujala mulomo wa nyika, kwiinda ku zitondezyo zya Muuya Uusalala. Tu yandikana muswaangano wa zivuka mbuli oyo. Tu yandikana ku pindamunwa, kuzungaanisigwa, bunji bwa inyika a zintu kuzwa mu mbungano, ezyo ziboola mu mazuba aya akumamanino. Mali alimu kumwaika mu cisi coonse, a zintu zipati, zya bikka mizeeo ya bantu aa zintu zipati mu busena bwa Leza. Kulimvwanya, kulimvwanya a Lugwalo! Kufumbwa mukwesu oyo waka talikila mu nzila eyo, pele baka jana mpuwo mu kabunga kamwi, kala limvwanya aali eco nca kasyoma.

<sup>151</sup> Obo bulowa ta bweendi mu muntu, wakazyalwa ku Muuya Uusalala wini. Madaimona oonse mu gehena takonzyi kumu nyonganya aa Ijwi eelyo. Uyo ima ali Ceeco kakutakwe kulanganya cintu. Ameni. Paulo wakati, “Taakwe ciliko na ciciza, cikonzya kuboola, na kufumbwa cintu, cikonzya ku twandaanya kuzwa ku luyandisy owa Leza.” Oko kuzyalwa kwini kwa Muuya Uusalala kunjila mu muntu, walo mwana wa Leza. Kunyina mugelo mupati akati ka nguwe a Leza. Walo mwana Wakwe mu Busyu Bwakwe. Ameni. Nda ciyanda eco. Ndi lizi kuti mbwini. Yaa.

<sup>152</sup> Tu jana kuti mu ora lya sunku, ku zintu zyanyika, kusitwa kulajata. Mu ciindi ca kwiitwa kuti mubumbulusi uusalala na—na kufubaazigwa, kabikka kasila ku busyu Bwakwe, meso Akwe, a ku Mu uma aa mutwe kubelesya kasamu, kati, “Lino ikuti na Uli musinsimi, twaambile wa Ku uma.” Balo basilumamba ba Roma, baka Mu bona katweluka miyeeyo ya bantu. Ku kwiima a . . .

<sup>153</sup> Ikuti na Wa liimvwi awa sunumasiku, inga Wa langa koonse a kwaambila mwanakazi oyo eco cakalubide kuli nguwe, alimwi cakali cinzi *eci a ceeco*. Eyo nje nzila Mbwa kacicita. Eyo nje nzila Mbwa cicicita, nkaambo Ta cinci. Ameni. Sa tamu kkomenye? Oyo ngu Leza muumi. Cakuti muntu wakali kukonzya kuwa kuzwa ku ciluli, nkabela buumi bwa kazwa muli nguwe; elyo muntu kaimvwi kuya a Leza muli nguwe, wakali kukonzya kuli lazika aa muntu oyo, elyo wa kapona alimwi. Oyo Leza nguwenya ulapona sunumasiku. Ameni. Ngu Leza utakwebucince. Imbungano iyandikana kusitwa. Mbo mbubo.

<sup>154</sup> Mbuli David duPlessis mbwa kaamba lumwi, Leza tajisi bazukulu. Mbo mbubo. Oko bakwesu besu ba Pentekoste nkobali mukuba, bana babo kunjila mu mbungano a kwaamba buyo, “Ee, tuli ba Pentekoste nkaambo bataata bakali boobo.” Ikuti na bataata bakali bana Pentekoste, akuba a lubbizyo lwa Muuya Uusalala, uyo Lu tambula nzila njionya bauso mbo kacita. Ta jisi bazukulu pe. Walo ujisi buyo bana balombe abasimbi, kutali bazukulu basankwa a basimbi; buyo—buyo bana balombe abasimbi. Bwalo mbwini.

<sup>155</sup> Aboobo weelede kucita cintu nciconya ncoba kacita aa Buzuba bwa Pentekoste. We elede kuba a luzibo ndulonya. We elede kuba a cintu nciconya ncoba kajisi. Leza tacinci mabambe Akwe. Ta cinci nzila Zyakwe. Walo ucita buyo cintu nciconya ciindi coonse. I nzila Mbwa bikka ansi mabambe Akwe, ceelede kweendelana kuli ceeco ciindi aciindi. Ceelede kuba cintu nciconya. Elyo ikuti na myuo cita cintu nciconya, bulumbu mbubonya buyo boola. Ameni. Mbo mbubo.

<sup>156</sup> Lino tu jana kuti, caka jatilila mu ciindi ca sunko. Ca kajatilila cindi zintu zyoonse nizyakali kulubila. Ca kajatilila cindi boonse beenzinyina Bakwe niba ka Mu siya. Wa kacili jatilide, kusitwa kwa kajata. Mpawo dyabulosi wakayeeya, “Nda Mu jata lino.” Wa katalika kutanta Kalivari, Bulowa kabuzwa mu mibili Wakwe. Cikobela cakwe kaci Mu vungaide koonse, kudonkola komwe kupati kwa Bulowa. I dyabulosi kweelede kuti wakati, “Nda Mu jata lino. Oyo takonzyi kuba Leza. Peepe, peepe. Eco tacikonzyi kuba Nguwe, ikuti Na kalekela basilumamba kuswida ku busyu Bwakwe, ikuti na Wa kabalekela kumozola malezu mu janza kuzwa ku busyu Bwakwe, ikuti Na kabalekela ku Mu zundikizya kubona cilengaano nkabela Ta kacicita. Elyo lino mpaawa Wa tanta

cilundu, kabwezede ciingano eco, Njo Mu jata mu maminiti masyoonto.”

<sup>157</sup> Eyo nzuki ya lufu yaka seluka, a kuzunguluka koonse, ku Mu luma. Nywebo mulizi, mbuli nzuki imwi, kaijisi lumoola muli njiyo. Pele, nywebo mulizi, Leza wakabamba mubili ku ciindi eco, wakali mubili wa Leza. Cindi lumoola olo nilwaka simpa lomwe mu Mwana wa Leza oyo, muli Emanueli; cindi naka li somona lwakwe, taka jisi lumoola lwa kasyaala. Wa kagusya ncobeni lumoola lwa lufu. Ta cigambyi Paulo wakakonzya kuti, “Lufu, luli kuli lumoola lwako? Cuumbwe, kulaali kuzunda kwako? Pele kulumbwe kuli Leza, Oyo uutupa kuzunda kwiinda mu Mwami wesu Jesu Kristo.”

<sup>158</sup> Wa kali kukonzya kuluma Eliya, a kufwa, wa kali kukonzya kuluma Eliya a kusimpa lumoola lwayo. Pele, nywebo mulizi, ikuti na nzuki—ikuti na nzuki yakasola kuluma kusakana kwini, ta ikonzyi kuluma limbi, ila somona lumoola lwakwe. Aboobo kwakanyina mubili wabuntu oyo ngwa kali kukonzya kusimpa mukati. Oh, ma! Taakwe muntu ngwa kali kukonzya kusimpa mukati. Pele cindi naka lubikka muli Emanueli ciindi eco, wa kasweekelwa lumoola lwakwe. Kulumbwe kuli Leza! Iiyi, munene, wa kakakilwa ali oyo umwi. Iiyi, munene.

<sup>159</sup> Ba kajana nzila tokizini yakajata. Ba kati, “Ikuti na Uli Mwana wa Leza, koseluka kuzwa ku ciingano.” I mupaizi mupati, ulemekwa kupati kwa mbungano, kati, “Twa ambile antangalala lino. Ikuti na Uli Mwana wa Leza, koseluka kuzwa ku ciingano a kuli futula Lwako,” abumwi bumbi. “Atu bone ikuti na Uli Mwana wa Leza.” Ta kajula mulomo Wakwe a kwaamba ijwi.

<sup>160</sup> Lino tu jana kuti Wa kafwa. Wa kafwa ncobeni. Wa kafwa kusikila zuba a mweezi zyakati Wa kafwa. Boonse bulenge bwakati Wa kafwa. I nyika ya kazuzuma, ya kaba akubimba kunyongana ali njiyo. Elyo cindi niba kabona nguonya Leza wakalenga nyika, wakali kulengelela atala lya nyika, a Bulowa bwa Emanueli kabuwida aansi. Ta cigambyi Wa kafwa. Wa kafwa mane zintuzyonse zya kati Wa kali fwide.

<sup>161</sup> Elyo mpawo tuyoziba, Ka tana kufwa, Wa kati, “Amu nyonyoone tempele eli, nkabela Njoli busya alubo aa buzuba bwatatu. Tamu kakonzyi kuu dyaminina. Amu nyonyoone, nkabela Njo busya mu buzuba bwatatu.”

<sup>162</sup> Ba kabikka mulindizi konse, kubona kuti na kusitwa kali kuyo jata. Ba kakubona kakujaa mu sunko lya cibi. Kwa kajata mu bucete. Kwa kajata mu buvubi. Kwa kajata mu misyobo yoonse ya kusunkwa. Caka cili jatilide. Pele lino cili mu lufu, ino ciyo citanzi lino?

<sup>163</sup> Pele aa cifumo ca Pasika, oh, ma, eelyo zuba kalitandila kupasuka, oko kusitwa kwakaba akujata. Elyo, cindi ni kwakacita, lufu lwaka tyola zisinkila zyaco, cuumbwe

cakajulwa, alimwi Wa kabuka alubo ku buzuba bwatatu akutanta Kujulu. Ku tondezya kuti oko kusitwa kwalo nkusitwa kwa Buumi Butamani. To konzyi ku cinyonyoona. Akwalo da lya gehena tali konzyi ku jatilila. I cuumbwe tacikonzyi ku jatilila. Lufu talu konzyi ku bujata. Taakwe cikonzya ku bujata. Buya buka alubo.

<sup>164</sup> Jesu Kristo wakati, “Boonse abo Taata mbaka Ndi pa bayo boola kuli Ndime, nkabela Njo mibusya alubo ku buzuba bwamamanino.” Aleluya! I mwaalumi na mwanakazi oyo wa kasitwa kuli Ceece, takonzyi kukkala mu cuumbwe. Taakwe cuumbwe eikonzya kujatilila balulami. Taakwe gehena ikonzya kucibamba; taakwe cuumbwe, taakwe cintu cimbi. Jesu Kristo wakasyomezya ku mibusya alimwi aa Buzuba obo. Ameni. Oh, Ndili kkomene loko kuli ceeco, oko kusitwa. Nywebo mulizi, aa cifumo ca Pasika caka tondezya.

<sup>165</sup> Sena mulizi mbo cakabede? Cakali cintu cipati, kusikila bantu bali mwaanda amakumi obilo bakali kuyanda kusitwa. Lino, ikuti na Ula konzya kuzumanana kwiinda mu sunko, kwakali bantu bali mwaanda a makumi obilo abo baka Mu zyi kabotu loko, bakali kuyanda oko kusitwa. Aboobo mpoomya awo Wa kacita kuya kutala ku labbolatori akubamba cikwabilizyo ca seramu, aboobo Wa kati, “Kamuya kutala okuya ku muunzi wa Jerusalema mane Nka ujane, yoonse fomyula ya kabambwa. Ndiyo Utuma kuselukila ali nduwe.” Aboobo bakaunka kutala kuyo lindila.

<sup>166</sup> Obo mbungano ya Banakristo mbo yeelede kweendelezegwa, ino musyobo nzi wa kusitwa ngoi konzya kubweza? Ino, ino kusitwa inga kwaba buti? Mbobutu mbo banga bacita? Ino ncinzi cinga cacitika? Sa boonse beelede kuya ku seminari a kwiya kuba a Ph.D. a LL.D.? Sa mupaizi umwi weelede kuboola mu mugwagwa kajisi kkosha mu maanza akwwe, a kumyankuta akulya mulalilo, nkabela nce ncico?

<sup>167</sup> “Pele mpaawo kwakasika coongo kuzwa ku Julu,” kusitwa kwakali mu lweendo lwayo, “mbuli guwo lyuungisya lyanguzu, alimwi Lyazazuya ng’anda yoonse omo mobaka kkede. Myaambo yanzeene yaka kkala ali mbabo, mbuli Mulilo. Elyo boonse baka zulwa Muuya Uusalala, a kutalika kukanana mu myaambo imbi, mbuli Muuya mbuwa kabaambya.”

<sup>168</sup> Sena mwakasola kubona tempele lyakale, cifoto ca ndilyo? Kwakali citendele ciniini ca kumbali cakazwa, katanta matantilo amujulu, katanta mu kaanda kamujulu. Ba kajala milyango a kunjila, nkaambo bakali yoowede.

<sup>169</sup> Pele Nda mwaambila, cindi nibakasitwa mbuli munamani mupya ujisi simbi, inga tiiba mujata. Peepe, munene. Kuzwa mu kaanda ako wa kazwa, kuya mu tugwagwa wa kaunka. Wa ka sitwa. Lufu, gehena, kupenzegwa, kasekwa, kafubaazigwa,

tti kwaka bamba lwandaano kuli nguwe, wa ka sitwa. Ameni. Oh, ma!

<sup>170</sup> Amuswiilile Petro kaimvwi kutala okuya. Ba katalika kubuzya, "Sa kuli bbona limbi mu Giliadi? Sa kuli bbona limbi muli Giliadi? Sa takukwe musilisi okuya?" Oh, inzya, tu jisi mabbona manji mu Giliadi. Tu jisi basilisi banji.

<sup>171</sup> Mu buzuba obo, Dokotela Simooni Petro, wa kali musilisi. Wa kati, "Ndiyo mulembela busilike. Ndiyo mwaambila. Elyo obu mbusilike Butamani, nkaambo ciyooba kuli ndinywe, a ku bana banu, a kuli baabo bali kulaale. Mukasimpe, nca boonse abo bayo ita, Mwami Leza wanu mbayo ita, 'Ndiyo cipa kuli nguwe.'"

<sup>172</sup> Kati, "Ino inga twa citanzi kuba kusitwa?" Mpaawo mpakabede. "Ino inga twa citanzi kuba kusitwa?"

<sup>173</sup> Wa kati, "Ndiyo lemba busilike." Wa kati, "Amusanduke, umwi aumwi wanu, a kubapatizigwa mu Zina lya Jesu Kristo kuti mujatilwe zibi zyanu, nkabela moyo tambula cipego ca Muuya Uusalala. Nkambo obu busilike buli kuli ndinywe, a ku bana banu, a kuli baabo bali kulaale, abalo boonse Mwami Leza wesu mbayo ita." Oh, ma!

<sup>174</sup> Nywebo mulizi cintu na? Cindi dokotela ajana busilike bwa bulwazi; nkabela wa lemba busilike, a sikusambala madiragi mumpelenge wa cijata akwinka kuya kuyungizya kuniini *oku* akunywa kuniini *oku* kuzwa kuli mbubo, uyo sala kujaya mulwazi na—na kucita cintucimwi kuli nguwo. I busilike tabu jisi akwalo musamu uukubwene muli mbubo ku cita buboto buli boonse. Ikuti na taciciti, cila kompama loko cakuti toko gwasya mulwazi.

<sup>175</sup> Eelyo nde penzi lya baaba basikusambala madragi ba maseminari sunu. Bala gusya bulembu bwa busilike, a kuyungizya cintucimwi cimbi mubusena bwa Ndilyo, mpawo mujisi cikama ca mamoccali aafwa.

<sup>176</sup> Obu busilike bucili mbubonya. Cindi Basamariya niba ka Bu tambula, baka sitwa, baka jisi cintu nciconya. Cindi Bamasi nibaka Utambula, ba kajana busilike mbubonya. Paulo waka swaana nkamu mu Incito 19, oyo waka jisi cibeela ca bulembu bwabusilike, kutali koonse kwa Mbubo, wa kati, "Eco ta cikabeleki. Muyo jaya cintu coonse." Aboobo wa ka cilemba abusena, kuli mbabo, ka baambila nzila yaku cijana. Ba kabujana mu nzila njiyonya.

<sup>177</sup> Elyo nde penzi sunu. Kuli basilisi banji mu Giliadi, nkabela tuli jisi basilisi banji, pele bantu bala buyoowa busilike. Bulemu! Alumbwe Leza. Sa takukwe bbona mu Giliadi? Sa kwiina nguzu zya Muuya Uusalala? Lino sa nkozili?

<sup>178</sup> *Oku kusitwa kula beleka ali boonse, mwabona. Kwa kacita kuba Juda. Kwa kacita kuba Basamariya. Ca kacita kuli Bamasi. Cila cita aa bantu boonse nzila njionya.*

<sup>179</sup> Ndili missionari. Ndila inka ku cisi oko bantu nkoba tazyi neliba janza lya lulyo alya lumwesi, nkabela baliimvwi alya. Sena mulizi eco ncoba cita cindi batambula Muuya Uusalala? Cintu nciconya nco mucita, cintu nciconya.

<sup>180</sup> Oh, ino ncinzi? “Nca ndinywe, a bana banu, a kuli baabo bali kulaale, abalo boonse Mwami Leza wesu mba yoita.” Aya malailile ngaonya alabeleka cintu nciconya.

<sup>181</sup> Elyo mbungano iyo cita cintu nciconya ncoya kacita ku matalikilo. Mbombubo ncobeni. Jesu musaansa. Tuli mitabi, alimwi kwinda mukuba bakasitwa ku Buumi obo bwakali mu musaansa. I mbungano eyo yakazwa, kai sitidwe, ba kalemba Bbuku lya Incito kunze lyaco.

<sup>182</sup> Lino tu jisi ziiminizyo zimwi. Tu jisi micelo yaka somekwa. Ci-ci ponena ku buumi bwa musamu, pele ta ci kazyali micelo. Mbo mbubo.

<sup>183</sup> Nda kaliimvwi a mweenzuma wangu, John Sharrit, okuya mu Phoenix, okuno kutali ciindi cilamfu cainda. Wa kajisi cisamu kuya, cisamu ca fuleenke, eco caka jisi misyobo iili musanu na cisambomwe ya micelo aali ncico.

Nda kati, “Nsena bwene cintu mbuli ceeco.”

Wa kati, “Yaka somekwa.”

Nda kati, “Ino musyobo nzi wa cisamu?”

Wa kati, “Fuleenke.”

<sup>184</sup> Nda kati, “Ee, kuli lemoni, alimwi kuli laimo, alimwi kuli matangerini, a matangelo, a—a micelo ya magirepu, misyobo minji yandeene.” Nda kati, “Elyo sa yoonse ila komena kuzwa ku cisamu eco nciconya?”

Wa kati, “Inzya, yoonse micelo ya sitrasi.”

<sup>185</sup> Nda kati, “Ee, lino, eco ncintu ceenzu.” Nda kati, “Lino, mwaka oyu, kwamana koonse mucelo oyo kwiinka, mwaka uucilila uyo zyala fuleenke?”

<sup>186</sup> Wa kati, “Oh, peepe. Huh-uh. Peepe.” Kati, “Ciyo zyala misyobo oyo mbuli mutabi mbo ubede.”

<sup>187</sup> Elyo Nda kati, “Mpawo cisamu eco cakazwa, yebo waamba, kuzwa i—i cisamu ca fuleenke kusika kuli eco . . .”

<sup>188</sup> Wa kati, “Peepe, peepe, peepe. Ikuti na yasola kusonsa mutabi umbi, ula zyala fuleenke.”

Nda kati, “Nda bona.” Ameni.

<sup>189</sup> Mukwesu, tu jisi zintu zili boobo mbuli tubungwe twa mbungano twa kanjizya muli Ceeci, a kupona kuzwa kuli Ndilyo, kaba liita Banakristo. Pele ikuti na Buumi bwini bwa

musamu ulya bwasola kusonsa mutabi umbi wawo wini, liyooba Bbuku limbi lya Incito kunze lya ndilyo, nkambo Ngu mbobuca nguwenya, sunu, amuya myaaka. Eco nyika a lubono lwabo, nkabela taba zyi cintu kujatikizya. I bantu balabala Bbaibbele eli, ikuti na muyo Li bala kuzwa ku bulange bwatubungwe, tamu kakonzyi kujana kunji kuzwa kuli Ndilyo. Pele ikuti na muyo langa buyo kuli ceeco Nco lyaamba, mpawo amuswiilile eco busilike nco bwaamba. Amu Ci bale, ku Ci swiilila, ciyo bamba muntu wandeene.

<sup>190</sup> Nda kazwa calino kuzwa ku India, okuno kutali ciindi cilamfu cainda. Nda kamvwa mwanakazi awa, waa kali mucete kapati, mwana wakwe wakali kwinka ku India kuba dokotela. Elyo wa kasika okuya a kuzwa ku kwiya kwakwe kwa masilike, a kunjila muli imbi, Nda syoma wakali injinia wa malaiti, na cintucimwi. Elyo oyu mwanakazi wakali mucete kapati. Taa kajisi buyo cintu, alimwi aboobo kabunga kazya luzyalo kakali kusola kuboola a ku mubamba. Elyo aboobo baka bamba kaambo, elyo cindi niba kalangalanga, ba kajana kuti mwanakazi waka jisi lugwasyo lomwe, alimwi oyo wakali mwana wakali muntu muvubi loko mu India. Elyo kati, “Ee, nkaambonzi mwana wako taku gwasyi?”

<sup>191</sup> Kati, “Oh, Nse konzya buyo kumubuzya.” Kati, “Ndime banyina,” kati, “Inga ndasala buyo kubweza kabunga kazya luzyalo kwinda ku lomba mwana wangu.”

Kati, “Sena tomvwi kuzwa kuli nguwe?”

<sup>192</sup> Kati, “Oh, Ndila mvwa kuzwa kuli nguwe nokuceya lomwe na kobile mu mweezi.” Kati, “Ula lemba magwalo amwi mabotu loko ayo ngo kasola kubala.”

<sup>193</sup> Kati, “Ee, boneka mbuli kuti wa kali kuyanda banyina kweelede, alimwi wa kajisi mali manji, wa kali kusola ku mubamba, mibusena bwakuti walo kainka ku busena bwalugwasyo.”

<sup>194</sup> Kati, “Ee, antela ikuti na kalizi kuti Nda kali boobu,” kati, “uyo cita, uyo ndibamba. Pele,” kati, “yebo ulizi, ta zyi, alimwi Ndi—Ndi limvwa buyo kuubausigwa kwaambila mwana wangu, mbuli obo.”

Elyo kati, “Elyo uci kulembela magwalo mabotu na?”

<sup>195</sup> Kati, “Oh, amwi magwalo mabotu loko!” Elyo kati, “Ula nditumina zifoto zibotu kwinda nzyo mwa kabona lyonse.”

Kati, “I zifoto zibotu maningi? Aboobo atu bone zimwi zyazyo.”

<sup>196</sup> Waa kainda mu Bbaibbele lyakwe, alimwi kaasomona. Sa mulizi akali manzi? Bbanki drafuti. India ilabikka zifoto aama bbanki drafuti abo, nywebo mwabona, zifoto zibotu. Waa kajisi zyuulu zya madollar, akasanduka kuzwa ku mali abama India kunjila mu mali aa America. Ino cakali cinzi? Mu ciyobwedo

ca Bbaibbele lyakwe, waa kajisi lubono olo ndwa kayeeya kuti lwakali “zifoto buyo,” pele, kaboola kujana kuti, kakali kayandisi kapati kuli nguwe.

<sup>197</sup> Elyo, mukwesu, cindi wasola kubala mulilo wakapentwa wa Pentekoste, alimwi muntu umwi usola ku kwaambila kuti Muuya Uusalala tauli mbubonya sunu mbuli mbo wakabede kaindi, muntuumwi usola ku kwaambila mazuba aa maleele akainda, kuti Jesu Kristo tali mbobuca nguwenya, sunu, amuya myaaka, kuti basola ku kwaambila, uta cisyomi. Zyalo tazili zifoto. Leza Singuzuzyonse wakatuma mulumbe oyo kuli ndinywe, mbo mbubo, “Nku kaambo ka ndinywe, a ku bana banu, kuli baabo bali kulaale, abalo boonse Mwami Leza wesu mbaya kwiita.” Leza uclili Leza. Jesu Kristo ngu mbobuca nguwenya, sunu, amuya myaaka.

<sup>198</sup> Uli mpoonya awa, sunumasiku, ku kufutula basweekede, ku kuponya baciswa, ku kuzuzya Muuya Uusalala, abo bayanda kuzuzigwa. Ula syoma obo, embo na? Iiyi, munene. Ikuti na mula cisyoma, nkokuti, nywebo mwabona, ezyo nze zisyomezyo zya Leza mu Ijwi eli awa, inga wanjila moonya omuya a kujana cisyomezyo coonse. I cisyomezyo cili kuli ndinywe. Petro wakati, “I cisyomezyo cili kuli ndinywe, a ku bana banu, a kuli baabo bali kulaale.” Muta yoowi kugusya mali kuli ceeco. Eyo ni bbanki drafuti yaku Julu. Mbo mbubo. Jesu Kristo mbobuca nguwenya amuya myaaka!

<sup>199</sup> Ino kuti Wa ima awa sunumasiku a kubona mwanakazi oyo kalede alya kacisidwe? Uboneka mbuli kuti uli cisidwe loko, mulema, antela kulebuka na cintu cimwi. Banakazi bobile... I mwanakazi, a mwaalumi uusiya a mwanakazi uusiya, kusola kubeleka a muvwanda muniini, ino muyeeya kuti inga Wa cita nzi ikuti na Wa liimvwi kalangide aa balwazi bobilo awo, mbuli sikuponya? Sena muyeeya kuti inga Wa baponya? Wa kacicita kale, nywebo mwabona. Cindi Na kafwa aa Kalivari, Wa kacicita. Sena mula syoma eco, nobalwazi? Sena mula syoma kuti eco cililuleme? Yebo a mulindu muniini uusiya, kuya a muvwanda, sena ula syoma kuti Jesu Kristo, cindi Na kafwa aa Kalivari, Wa kaula kuponesegwa kwa mwana wako?

<sup>200</sup> Yebo aa kalo omuya, ikuti na uli... Yebo uboneka kuciswa loko. Yebo uli lebukide, kufumbwa mbo cibede, sena ula syoma kuti Jesu Kristo wakafwa aa Kalivari, ku kuvuna kuzwa ku malwazi anu? Sena mula syoma obo? Sena mula syoma kuti eco nce Nda amba sunumasiku, kuti mbwini? Sena mula syoma kuti busilike mbwa bwini? Mula cita na?

<sup>201</sup> Ikuti na Wa liimvwi awa sunumasiku, nkabela wa Mu buzya, “Sa Ula ponya mwana wangu?” Nywebo mulizi eco Nca kalino amba? “Nda kacicita kale eco.” Mwabona, amu cisyome buyo. Mwabona? Ikuti na inga watii, “Munene, Ndili mulema, konzyi kweenda,” na kufumbwa mbo cibede. “Nse—Nse konzyi

kweenda. Ndila—Ndila fwa,” na cintucimwi, “Sa Ula ndifutula?” Wa kali kunga wati, “Nda kacicita kale.” Mwabona?

<sup>202</sup> Lino mbobuti mbonga waziba kuti lyakali jwi Lyakwe? Nkaambo inga Wa cita cintucimwi mbuli Mbwa kacita kaindi. Inga wakwaambila cintucimwi kujatikizya nduwe, ku kwaambila kuti wakalini, na eco cilubide kuli nduwe, na cintucimwi mbuli ceeeo, mbuli Mbwa kacita mu ciindi ca Bbaibbele. Eco inga catondezya kuti Wa kali nguwenya. Pele ku kuponesegwa, inga uleelede ku citambula lwako. “Wa kayaswa nkambo ka nsotoko zyesu; ku mibunda Yakwe twa kaponesegwa.” Sena mula syoma obo?

<sup>203</sup> Sena ula syoma kuti inga Wa ndaambila sunumasiku kuti ndi penzi nzi lyako, na cintucimwi cijatikizya nduwe kokkede alya? Sa inga wa citambula a kundi syoma kuba musinsimi Wakwe? Ula cita na?

<sup>204</sup> Ino kujatikizya nduwe, mulindu awo munsi lyakwe, a janza lyako aa muvwanda wako, sena ula syoma obo? . . . ? . . .

<sup>205</sup> Mbangaye bayo cisyoma?

<sup>206</sup> Lino, Taata Wakujulu, oyu mulanda Wako. Ndi jisi buyo . . . Ndi jisi buyo mulimo wa kukambauka Ijwi Lyako. Lino, Ndi lizi kuti eci cila gambya, pele Nda komba kuti Uyo cipa sunumasiku, kutegwa bantu bazibe kuti—kuti obu Mbwini.

<sup>207</sup> Ncibotu, kolanga mu nzila eyi. Muvwanda wako ujisi musyobo umwi wa bulwazi bwa mafuwa. Mbo mbubo. Ujisi kuzimba kupati ku kuulu. Sa mbo mbubo? Bikka janza lyako aali ncico, kuloolola a kwaamba, “Mwami Jesu, ponya muvwanda wangu, Njo Ku belekela buumi bwangu boonse.” Ikuti na tona bweza kusitwa oku, ko Ci syoma a moyo wako onse. Elyo kobikka katambo ku kuulu kwa muvwanda oyo, sunumasiku, a ku kweeleka. Elyo mpawo kakajosye katambo juunza, awo mpoka kakosola, obo mbo kwanyana akati ka lino a juunza masiku. Sa ula cicicta eco?

<sup>208</sup> Yebo okkede awo, utobel, sena ula ndisyoma kuba mulanda Wakwe? Nseno kubwene, mu buumi bwangu. Pele uli lede awo, ula cimvule ca lufu. Kuli cimvule cisiya aatala lya mwanakazi. Walo ula ciswa, kafwa ku kkulenge. Mbo mbubo ncobeni. Elyo ula syoma kuti Leza uyo kubamba kuba kabotu? Sa inga wa cisyoma? Mpawo nkaambonzi ncolala awo kusikila wafwa? I dokotela takonzyi kuponya eco. Ko buka, mu Zina lya Jesu Kristo, a kubweza bulo bwako akuya ku muunzi.

<sup>209</sup> Sena mula syoma? Boonse abo bayanda kusyoma a kuzumina kuponesegwa kwanu, amwiime ku matende anu a kulumba Leza.

Mweenzye kwinda ku janza, mukwesu wangu.

<sup>210</sup> Atwaambe, “Alumbwe Mwami,” nyoonse. Sena mula Mu syoma? Amu tambike maanza anu lino kuli Leza, aku Mu

lumbaizya. Sena mula syoma? Sa takukwe bbona muli Giliadi? I nguzu zya Leza inga zyacita ceeco!

<sup>211</sup> Atwi imikile ku matende esu, nyoonse lino, a lusyomo lwaku cisyoma. Amwiime ku matende anu, nyoonse, a kuzumina lwaanguluko, mu Zina lya Mwami. Ameni.



*NKAAMBONZI?* TNG63-0626  
(Why?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwatatu mangolezya, Gandapati 26, 1963, ku Associated Brotherhood Of Christians Campground mu Hot Springs, Arkansas, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)